



सानसेयारि बड'सा

सानसेयारि 'बड'सा' खरीरालाइयाव समाज्यादि जिज्जो लोब्बा थावाय रायथाय, खन्धाय, खल, खल'बाथा आरु देवबायादि थावनि, पार्क बाइदिनि सायाव लिन्नाय लिन्बिबां दैथाय हर/ सानसेयारि 'बड'सा' खरीरालाइया खेबखानाबे फोसावगोन/

बड'सायाव लिन्हरनायवि दुबा खालाम, 'बड'सा' खरी नोथां, जों बयबो आंगो खालाम/

सानसेयारि बड'सा मावखुनि
माइवं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 7 November, 2024 Kokrajhar, BTC, Assam ★ Vol.-34, Issue No.220 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

उदालगुरियाव हाग्रानि अमानि गाग्लोबनायाव सासे सुबुनि जिउ खहा आरो साथाम सुबुनि जोखोम

उदालगुरि, 6 नभेम्बर: उदालगुरि जिल्लानि सिखव थावाय भारत-भुटान सिमना ओन्सोलफोरार थांनाय गोलाव समनिफ्रायनो हाग्रानि मैदेर आरो मानसिनि गेजेराव सोमजिबाय थावाय दाडबाजि बांबोबाय थावाय समावनो फिन दिने हाग्रानि मासे अमानि गिखथाव महर लानायखो नुनो मोन्नाय जादों। दिने फुंबिलि 7:30 रिगासो समाव उदालगुरि जिल्ला ननाइ रेन्जनि आवथायाव थावाय बरमुकलि धरमपुर (□ 6 बिलाइआव)

आमेरिकानि 47 थि हादतगिरि महरै डनाल्ड ट्राम्पआ सायख' जाबाय

गोदान दिल्ली, 6 नभेम्बर: गासैबो नायखानायफोरखौ नंखाय फोरमान होनानै मुलुगनि गोहो गोर हादत आमेरिकानि 47 थि हादतगिरि महरै डनाल्ड ट्राम्पआ सायख'जाबाय। नैथि सम गान्थिनि थाखाय हवाइट हाउसनि थागिरि जागोन डनाल्ड ट्राम्पआ। माखासे जे नाफोरजों मोगा-मोगि जानानैब्लाबो डनाल्ड ट्राम्पआ गोरलैयैनो देरहानो थाखाय




गोनांथि जानाय मोन 270 मासिफोरखौ मोनो हायो। 1946 माइथायनि 14 जुनआव जोनोम मोन्नाय डनाल्ड ट्राम्पआ 2017 माइथायव गिबि खेबनि थाखाय आमेरिकानि हादतगिरि महरै देरहादों मोन। 2021 माइथायसिम विथाडा हादतगिरिनि बिबानाव दंमोन। दान्थे-बिदाथेनि गेजेराव हाबनाय ट्राम्पनि बे खेबनि हादतगिरि मासिनि थाखाय (□ 6 बिलाइआव)

आसामनि राइज्यो बेंगिरिया छत फुजानि मुडै गाहाम हामब्लायथि जासिहरदों

गुवाहाटी, 6 नभेम्बर: आसामनि राइज्यो बेंगिरि लक्ष्मण प्रसाद आचार्यआ आसाम राइज्यनि राइजो-रजाफोरनिमिम छत पुजानि गोथार बुब्लियाव गाहाम हामब्लायथि जासिहरदों। गांसे रादाब बिबुंसारनि गेजेरजों राइज्यो बेंगिरि आचार्यआ बुडोदि, 'आसामनि राइजो-रजाफोरनिमिम छत फुजानि थाखाय आनि गोसो गोरबोनिफ्राय गाहाम हामब्लायथि बाउहरबाय। बेयो सान इसोरनि खाथियाव गाव-आबुथि, फोथायनाय आरो आर'ज गाबनायनि मोनसे फोबों जेराव गोबां सुबुंफोरा बाहगो लायो आरो आर'ज गाबो। मिजिथियोदि फोबोंनि फलिथाइफोरा जोबोद फोथायनायखौ दिन्थिगोन आरो बेसादरि लुबैनायफोरनि सायाव हमथानाय, नागरनाय बायदि सुबुं बेसेनफोरखौ गोखों खालामनायाव मदद होगोन।' बिथाड सुबुंफोरखौ फोबोंनि इसोरारि गुदिखों हमदंनो आरो सुबुंफोरनि जौगानायनि थाखाय मोजां खामानि मावनो खावलायहरो (□ 6 बिलाइआव)

कक्राझार फाहामथाय फरायसालिमा आरो फाहामसालियाव गिबि पस्टमर्टमनि गोथै सह' दान होदों

कक्राझार, 6 नभेम्बर: कक्राझार सोहोरनि साखाथि बेसगावयाव थावाय कक्राझार फाहामथाय फरायसालिमा आरो फाहामसालियाव हाबाफारि बायदियै गिबि गोथै सह'खौ दान होदों। पस्टमर्टमनि थाखाय गिबि गोथै सह'खौ दान होनाय सुबुंखौ बडइगावनि जर'खा सुबुंफोरनि मुलाम्फानि थाखाय खामानि मावग्रा आरो समाज सिबियारि तुषार कान्ति दास होनानै सिनायथिनाय जादों। मख'नो गोनांदि, मेलेमयाव बिलिडि (ब्रेन एमारेज) जानानै दिने अबथियायै रंसारि जानाय बियो बडइगावआव गुबुन सुबुन समाजारि हाबाफारि-फसंथानजों लोगोसे लोब्बा दडमोन आरो बिथानि जोबथा हास्थायनाय बायदियै बिथानि (□ 6 बिलाइआव)



चिदलीयाव उफ्रा बिसायख 'थिनि थाखाय गिबि मन्थि हिमन्त विश्व शर्माआ फोसावदिंदों

निर्मल कुमार ब्रह्मआ सिगांनिखुइ बांसिन भटजों देरहागोन: गिबि मन्थि ड शर्मा

कक्राझार, 6 नभेम्बर: राइज्योनि उफ्रा बिसायख 'थिनि साना खाथिनिप्राय खाथिसिन सफै नाय लोगो-लोगो राजखाथियारि दोलोफोरनि स्टर केम्पेइनारनि बिसायख 'थिनि फोसावदिंदोनाय मेला उफ्रा बिसायख 'थिनि दुहाव बार बारहोदों। बे बायदिनो बिटिसिनि चिदली बिधान सभा बियाबनि सिडाव थावाय



हाथियारजों लोगोसे साब्रै सुरां मैहरारिखौ हमदों

दलगाव, 6 नभेम्बर: दलगावयाव फिन हाथियारजों लोगोसे साब्रै सुरां मैहरारिखौ पुलिसआ हमदों। अरं माहारियारि पार्कयाव गान्दा बुथारनो थाखाय साब्रै सुरां मैहरारिआ फैदोंमोन होनानै फोरमायदों। फारसेथि, पुलिसआ बिसोरनिफ्राय गंसे 303 राइफल, गर 10 गोथां गुलि, गंथाम मबाइल, गंबा मथर साइकेल आरो गंसे इ-रिक्सा बोखादों। पुलिसआ हमनाय सुबुंफोरखौ नुर हुसेन, आबुल हुसेन, जापर आलि आरो नुर इस्लाम होनानै सिनायथिदों। (□ 6 बिलाइआव)

उफ्रा बिसायख 'थि फैगौ 13 नभेम्बराव राइज्योनि दर 5 बिधान सभा बियाबआव बन्द' फोसावदों

गुवाहाटी, 6 नभेम्बर: फैगौ 13 नभेम्बराव आसामनि दर 5 बिधान सभा बियाबआव उफ्रा बिसायख 'थि खुंजानो साखा-फारा जाबाय। उफ्रा बिसायख 'थिनि थाखाय राइज्योनि दर 5 बिधान सभा बियाबआव खुंथाया बन्द' फोसावना होबाय। (□ 6 बिलाइआव)

कक्राझाराव भिजन डकुमेन्टनि सायाव 3 साननि सुबुरुनारि जथुम

कक्राझार, 6 नभेम्बर: 'बिटिआरनि हारिफोरनि थाखाय मोनसे जौगासानाय, खुसि आरो गोजोन इयुन सानखानाय' मुनि भिजन डकुमेन्टनि सायाव 3 साननि बोसोन होया जथुमा 4 नभेम्बरनिफ्राय 6 नभेम्बरसिम कक्राझारनि बिटिसि से के टारियेटनि सावराय न'ब्लाडव खुंनाय जायो। बे मख'जाथाव हाबाफारिया बिटिसिनि गासैबो हारिनि गोजोन, जौगानाय आरो



खौसेथिनि थाखाय मोनसे जथाय नोजोरखौ मानसावगारि बानायनो नाजानायाव मोनसे माइल खुन्थियाखौ दिन्थियो। बे मेलाव बाहागो लानानै

बिटिसिनि गाहाइ मावफुं सोद्रोमा प्रमद बर'आ बिटिसि सरकारनि ओरेबायदि ओन्सोल दानो खोथा होनायखौ गोखों खालामो जेराव गोजोन, खुसि आरो न्याया बयनिबो थाखाय गोरलैयै मोनो हायो। बिथाड बिटिसिनि सोफादेरनायनि नोजोरखौ नोजोर होयो, बेखौ रोखा खालामोदि बिटिआरनि

मोनफोमबो हारिनि मुलाम्फानि थाखाय जौगालु हाबाफारिफोर लानाय जायो। बिथाड खुंथायनि थाखाय गौथुमनि रादाय होनायखौबो गोसो होयो, जाय ओन्सोलारि गोनांथिफोर आरो हास्थायनायफोरखौ सानो। बिटिसिनि मावफुं सोद्रोमा धर्मनारायण दासआ गोजोन गायसन्नायनि थाखाय बिटिसिनि बाउसोमनाय आरो भिजन डकुमेन्टखौ रोखा खालामनाया बिटिआरनि सुबुंफोरनि खौसेयै हास्थायनायफोरखौ दिन्थियो, बे मोन्दांथिखौ गोमखांहोयो। बोसोन होनाय मेलखौ 4 नभेम्बराव बिटिसिनि बुंथिगिरि (□ 6 बिलाइआव)

मुसलपुराव 108 साखिआवला गौथुमनि दैदेन्नायाव थै दान होनाय बाद



मुसलपुर, 6 अक्टबर: बाक्सा जिल्लानि सदर मुसलपुरआव दिने आसामनांडेनो हरखाब मृत्युन्जय 108 सिबिथाइ गायसन्थि सानखौ फालियो। 2008 मायथाइयाव बै समनि तरुन गौजों दैदेनजानाय कंग्रेस सरकारनि समाव राइजोआव 108 मृत्युन्जय सिबिथाइखौ जागायनाय जादोंमोन। बेबादिनो देरलाइ बोसोराव बिथामोना 16 बोसोर गायसन्थि सानखौ बायदि मेहेर गोनां हाबाफारिफोर लानानै फालिनायखौ नुनो मोनदों। (□ 6 बिलाइआव)

आसामनि राइज्यो बेंगिरिया राइजोयारि गायसन्नाय सान फालिथायाव बाहागो लादों



गुवाहाटी, 6 नभेम्बर: आसामनि राइज्यो बेंगिरि लक्ष्मण प्रसाद आचार्यआ दिने बेलासिआव श्रीमन्त शंकरदेव हारिमायारि सावराय न'ब्लाडव राइज्यो गायसन्नाय सान फालिथायाव बाहागो लायो। बे फालिथायाव बिबुंथि होनानै, (□ 6 बिलाइआव)

तामलपुरआव कच-राजबंशि फरायसा आफादआ बन्जार लानानै सोमावसारदों

तामलपुर, 6 नभेम्बर: कच-राजबंशि हारिनो एसटि होनाय, जारिमिनारि आलादा कमतापुर राइज्यो दाफिन्नाय आरो मिसन बसुन्धरा 3.0 आव सर्त गैया लासे हानि मोन्थाइ होनाय दाबिजों दिने तामलपुर जिल्ला कच-राजबंशि फरायसा आफादआ बन्जार लानानै सोमावसारनाय हाबाफारि खुडो। तामलपुरआव थावाय चिलाराय भवननिफ्राय बे (□ 6 बिलाइआव)

सालबारि निमुवायाव आक्रासुया बन्जार लानानै हान्जा सुरदों पुलिस खुंथाइआ होबथादों, बिजेपि सरकारनि हेंथायै स्ल 'गानजों सोमावसारदों

सालबारि, 6 नभेम्बर: दुलायय कच राजबंसि आफाद सुंदयै आक्रासुनि बाक्सा जिल्ला आफाद आरो निमुवा आन्सलिक आफादनि बान्जानायाव कच राजबंसि हारिनि गुबुन जे नाफोरखौ सुसंनारनि दाबियाव दिने मोनाबिलियाव सालबारिनि निमुवायाव बन्जार लानानै लामा हान्जा सुरदों। मख'नो गोनांदि, आक्रासुनि माखासे अन्जमानि दैदेनगिरि, मावफारिया आरो राइजो-राजाफोर निमुवायाव बायदि सरकार बेरेखा स्ल 'गानजों आखाइयाव अरनि बन्जार लानानै



हान्जा सुरनाय समावनो पुलिस खुंथाया फैनानै हान्जा सुरनाय हाबाफारिखौ होबथानायजों लोगोसे हेंथा सोमावसारनाय आक्रासुनि दैदेनगिरि-मावफारियाफोरनि

आखाइनिफ्राय बन्जारफोरखौ सेख'नानै लाडो। बेबायदि समावनो दुहाव थासारि सोमजिदों। मख'नो गोनांदि, जारिमिनारि आलादा कमतापुर राइज्योखौ दाफिन्नाय, कच राजबंसि हारिखौ थाबैनो जनजाति खालामनाय, मिसन बसुन्धरा 3.0 आव चर्ट गैयै हानि मोन्थाय गथायनायनि दाबियाव आक्रासुआ दिने मोनाबिलिनि 6:00 रिगानिफ्राय सालबारिनि निमुवायाव बन्जार लानानै लामा हान्जा सुरदोंमोन। बन्जार लानानै लामा हान्जा (□ 6 बिलाइआव)

बासबारियाव 'बिरशा मुन्डा गेस्टहाउस'नि अन्थाइ खाम्फा गायसन्दों



भवानिपुर, 6 नभेम्बर: सालबारि महकुमानि बासबारियाव दिने 'बिरशा मुन्डा गेस्टहाउस' लुनो थाखाय हाबाफारि बायदियै अन्थाइ खाम्फा गायसन्दों। मख'नो गोनांदि, बिरशा मुन्डानि 149 थि जोनोम सानखौ लोब्बा लानानै (□ 6 बिलाइआव)

सुजुगिरिनि खोलोम खुंथाय गोहोनि दावहा

जौनि हादतआव बोसोरबा माव बुब्लि जेबनायनि उनावनो एबा बेनि सिगांनो मोनफ्रोमबो फसंथान जेरे सुबुं आफाद, राइज्यो आफाद, बिधान सभा, अट'नमास काउन्सिल आरो बाइदिसिना फसंथानफोरखौ खुंथाय होनो थाखाय बिसायख 'थि खुंथाय जायो। सुबुं आफाद, बिधान सभा आरो काउन्सिलफोरनि थाखाय हादतनि साफ्रोम बैसो जानाय सुबुं एबा नोगोरफोरनो उदाडे बिसायख 'थिनि भट होनो हानायनि मोन्थाय दड। बेरफासरे राइज्यो आफादयाव भतरफोर थौंजोडे भट होनायनि सोलायै बिसोरजौं सायख 'जानाय सोद्रोमाफोरसो भट होनायै सायख 'नायखौ जौं बयबो मिबाथियो। दासादि दर्ने राइज्योनि बिधान सभा बिसायख 'थिजौं लोगोसे थानाय सुबुं आफादनि बिसायख 'थिनि उनिनफ्राय लानां जानाये थानाय गुबुन गुबुन राइज्योनि बिसायख 'थिनि उनाव महास्ट्र आरो झारखन्ड बिधान सभा बिसायख 'थिनि आयागया। बे बिसायख 'थिखौ लानानैरो रजखाथि दोलोफोरनि गेजेरव दासादि फोसावदिनायनि दुहुम जानायखौ नुनो मोन्दो लोगोसे दोलोफोरनि गेजेरव साबसिन खुंथाय, जौगालु हाबा लाबोनायनि राइजो-रजा भतरफोरखौ गोसो गेलेमहोरो नाजानायव नांथावदो। बिसायख 'थि समाव राइजो-रजाफोरनि खाथियाव सौफे सौफे खालामनाय रजखाथि दोलो आरो दैदेनगिरिफोरनि हुदा बादि जालानायखौ जौं नुनो मोन्थाय जायो। बिसायख 'थि फोबौनाय जोबनानै थाडोला बोसोरबानि गेजेरव खेब बा दावबायफेनानै राइजो-रजा भतरफोरनि मोन्थाय-मोने, दुखु-सुखुखौ उदिस लाफेनानयनि सम दिहुनो हाथैनि सम सम राइजो-रजाफोरनिफ्राय अजद होनायबो नुनो मोन्थाय जायो।

बावैसो सिगां जम्मु-काश्मीर आरो हरियाणा बिधान सभा बिसायख 'थि खुंलानायनि उनाव आरोबाव महास्ट्र आरो झारखन्ड बिधान सभानिबो बिसायख 'थि खुंनो लादो। मिजि थिनाय बादिये जम्मु-काश्मीरआव जाफुसाराया मोनाखेब्लाबो नैथि देरसिन हाजा जानो हादो लोगोसे हरियाणाआव बिजेपिनि गेदेर जाफुसाराया नुनो मोन्थाय जादो। बेरफासरे कंग्रेसआ बे दर्नैबो राइज्योनि बिसायख 'थियाव मोजां फिथाय दिन्थिनायाव फेलें जानायखौ नुनो मोन्थाय जादो। बे दर्नै राइज्योनि उनाव महास्ट्र आरो झारखन्ड बिधान सभा बिसायख 'थिनि थाखाय मोनफ्रोमबो दोलोनि हेमिभेट केम्पेइनारफोर लान्थियैनी गिदिर गिदिर फोसावदि गौमा खुंनानै राइजो-रजा भतरफोरनि गोसो जै खालामनायाव नांथावनाय नुनो मोन्थाय जादो। महास्ट्रनि मोन 288 मासिनि थाखाय फेगौ 20 नभेम्बरआव भट फोबौं खुंनय जागोन। बे रोखोमैनो झारखन्डनि मोन 81 मासियाव मोने खोलोबजौं सोलिफु दाननि 13 आरो 20 अक्टयाव भट फोबौं खुंनय जागोन। बे दर्नै राइज्योनि बिधान सभा बिसायख 'थिनि फिथायखौ गुबुन गुबुन राइज्योफोरव खुंनो गोनां उफ्रा बिसायख 'थि आरो जौनि राइज्यो आरो हालामाव 13 नभेम्बरआव खुंनो लानाय बिधान सभानि उफ्रा बिसायख 'थिनि फिथायजौं समानैरो 23 नभेम्बरआव खेबसेयैनी फोसावनो थि खालामदो बिसायख 'थि आयागया। बिसायख 'थियायि सावगारि बादिये महास्ट्रआव जुथाय हान्जानि गावसा-गावसि जानाय आरो गोरोबलायनो हाथै जानाय बिजेपिनि फासं मुलाम्फा आरो गोखौंसिन जानायनि लामा फेनो हागौ होनानै सान्नाय सौफेदो। बेरफासरे झारखन्डआव एनडिए आरो जेएमएमनि गेजेरव गोखौं बादायलायनाय फेनो हागौ होनानै सान्नाय जादोब्लाबो बिसायख 'थियायि सावगारिया भट फोबौंनि समाव सोलायनाय फेनो हागौ आरो बेनि मुलाम्फाखौ एनडिएआ मोन्थायनि मिजि दड होनानै सावरायनाय नुनो मोन्थाय जादो।

दिनैनि फान्जामुथि राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेघ:** दिनैनि दिनआव रांखावरि खामानयाव खस्थ 'मोन्नांनो हागौ। गोसोखौ हमथा।
- वृष:** जेखियानो जाया मानो गोथार खामानि मावनो हागोन। बे राशिनि थाखाय गहाम सान।
- मिथुन:** नख 'रनि जेनाफोरखौ लानानै जिगा सिनांनो हागौ। गोसो हमथानानै सोलिनांगोन।
- कर्कट:** बहाबाफोर दावबाय हैनो मोन्नो हागौ। गोसोखौ गोजोन मोनगोन। मोजां सम।
- सिंह:** मोजां खामानि मावनो हानायनि थाखाय थुलुंगानाय मोनगोन। गोजोन मोनगोन।
- कन्या:** जेखियानो जाया शुभ खामानि मावनानै लानो हागोन। सान्नाय-हनाया जाफुगोन।
- तुला:** माबाफोर जेना-जेसियाव गोम्लैबायनो हागौ। जैरेबो सांरां जानानै थानांगोन।
- बृश्चिक:** जैरेबो लोगोनि हेफाजाव मोन्नो हागोन। गोजोनै सम बारहोनो हागोन। मोजां सान।
- धनु:** बायदिसिना जेनाखौ लानानै जिगा सिनांनो हागौ। गोजोनाय गैयैजौं सम बारहोनो हागोन।
- मकर:** सुथुरफोर माबाफोर जेनायाव खोख्लैनी हागौ। जैरेबो सांरां जानानै थानांगोन।
- कुम्भ:** बिसि-फिसाइनि गेजेरव दावराव-दावसि जानो हागौ। गोसो हमथानानै सोलिनांगोन।
- मीन:** फारफोमथिबो मोजां। बायदिसिना रोखोमनि सुजुग-सुबिधा मोन्नो हागौ। गोजोन मोनगोन।

बिजेपिनि दैदेनगिरि प्रजा ठाकुरनो एनआइए कर्टआ जामिनारि वारेन्ट फोसावदों

गोदान दिल्ली, 6 नभेम्बर: एनआइए कर्टआ मंगलबारआव 2008 नि मालेगाव बमा बेरफुनाय केसआव बिजेपिनि दैदेनगिरि साध्वी प्रजा सिं ठाकुरनि हँथायै जामिनारि वारेन्ट फोसावो। भपालनिफ्राय देरहासाद जानाय बिजेपिनि बारग 'एमपि प्रजाआ 2008 नि मालेगाव बमा बेरफुनाय केसनि दायनिगिरि। बे जाथाया बै बोसोरनि 29 सेप्टेम्बराव महाराष्ट्रनि मालेगावआव जादोमोन, जेराव सा 6 सुबुंफोर थैदोमोन आरो सा 100 नि बांसिन जोखोम जादोमोन। बे बमा बेरफुनाय के सखौ एनआइएनो गथायनायनि सिगां गिबि नायबिजिनारियाखौ महाराष्ट्र एटिएसआ खालामदोंमोन। थानाय दानआव प्रजा ठाकुरनि उकिलआ कर्टआव



फोरमायदोंमोनदि, बे बमाखौ होबथाजानाय स्टुडेन्टइस्लामिक मुभमेन्ट अफ इन्डियाआ होदोंमोन जानो हागौ। ठाकुरनि फासंनिफ्राय दिन्थिनाय उकिल जेपि मिश्राआ दाबि देखांदोंदि, मालेगावनि भिकु चौकआव बमा बेरफुनायनि उनाव जायगानि सुबुंफोर पुलिसखौ जाथायसालियाव थानायखौ होबथादोंमोन। जानो हागौ दायनिगिरिफोरखौ खारग'होनो थाखाय बिसोर बिबदि खालामदोंमोन। मालेगाव बमा बेरफुनाय केसआव प्रजा ठाकुरनि हँथायै फोसावनाय बेयो गिबि वारेन्ट नड। थानाय मार्च दानावबो कर्टआबो बिजेपिनि दैदेनगिरिखौ हमनायनि थाखाय जामिनारि वारेन्ट फोसावदोंमोन। बे समाव 10,000 रानि वारेन्टखौ बिनि नुजाथिनांगौनि बिथोन फोसावसेयावबो कर्टआव नुजाथिहँथायनि थाखाय फोसावदोंमोन।

बिधान सभायाव आर्टिकेल 370 खौ सोलिहो फिन्नाय बिथांखि गथाइदों



जम्मु-काश्मीर, 6 नभेम्बर : जम्मु-काश्मीर बिधान सभानि 3 थि सानाव लेडइ गिबि मन्थि सुरिन्दर चौधुरीआ आर्टिकेल 370 खौ सोलिहोफिन्नांगो दाबि खालामना बिथांखि दिन्थिनायनि उनाव गोबां दावराव-दावसि जायो। गोखौं दावरावनि उनाव बे बिथांखिया पास जायो। बे थांखिखौ बेरेखा दैदेनगिरि सुनिल शर्माआ गोखौं अजद होयो आरो सरकारनाव सौंथि खालामोदि, जेव्ला लेडइ राइज्यो बैगिरिनि बिबुंथिनि सायाव सावरायनायनि हाबाफारि जादोंमोन अब्ला बेयाव बिथांखि एबा प्रपजेलआ मावौरे दिन्थिजाखो। उदां पार्टीनि एमएलए शेक खुशीद आरो शब्बीर कुल्ले, पिसिनि गाहाइ सज्जाद लर्नि अनगायै सा 3 पिडिपि एमएलएफोर प्रपजेलखौ मदत होयो। बिधान सभानि जथुम्माया जागायनायनि इसे उनाव सरकारनि फासंनिफ्राय लेडइ

गिबि मन्थि सुरिन्दर चौधुरीआ बे प्रपजेलखौ दिन्थियो। जेराव लिस्नाय डडमोनदि, बेयो बिधान सभा जर'खा आरो संबिजिरारि गेरेन्टिनि गोनांथिखौ रोखा खालामो, जाय जम्मु-काश्मीरनि सुबुंफोर सिनायथि, हारिमु आरो बिबानगिरिफोरनि रैखाथि आरो फारसेथिल' नोजोर होनायनि सायाव जिगा फोरमायो। बेनि गेजेरजौं बिधान सभाया भारत सरकारखौ जर'खा बिमुं संबिजिरारि गेरेन्टिखौ सोलिहोफिन्नां आरो बेफोर खांथिफोरखौ सोलिहोनायनि थाखाय संबिजिरारि तन्त्र थियायि खालामनायनि थाखाय जम्मु-काश्मीरनि सुबुंफोरनि सायख 'जानाय थान्दैफोरजौं सावरायनायखौ जागायनोबो खावलायदों।

डनाल्ड ट्राम्पनि पार्टिआ आमेरिकानि सिनेटआव गोबां भट मोन्नो हादों

वाशिंन्टन, 6 नभेम्बर: आमेरिकानि आगुनि हादतगिरि डनाल्ड ट्राम्पनि रिपब्लिकान पार्टिआ मंगलबार हर गेजेरव आमेरिकानि सिनेटआव गोबां भट मोन्नो हायो। रिपर्टनि बायदिब्ला, पार्टिआ गावसोरनि सिटफोराव देरहानाय हाबाफारिखौ मख'नानै डेमक्रेटिक पार्टिनि बेंखनाव थानाय माखासे सिटफोराव देरहायो आरो 4 बोसोरव गिबि खेब सिनेटआव गावसोरनि नारसिन्थायखौ बांहोदों। नेब्रस्काआव रिपब्लिकान पार्टिनि गोखोडे देरहानाय बिसोरखौ बयनिखुइ गोजौंआव सौहैहोदों। आथिखालनि रिपब्लिकान सिनेटर डेब फिशारआ बावैसो सिगां गोखोडे आवगायबोनाय उदां बिजाथि डेन अस बर्नजौं आसा खालामथावै गोखौं सेलेन्सजौं



मोगा-मोगि खालामो। सुलुनि बायदिब्ला, सिनेटाव डेमक्रेटिक पार्टिआ गावसोरनि भट मोन्नायाव फेलें जादों आरो गासो अन्जिमाखौ रिपब्लिकान पार्टिनि बाहागोयाव थानाय नुनो मोन्दों। बेनि उनाव हरनि समावनो रिपब्लिकान पार्टिआ वेस्ट भाजिनियाआव मोनसे सिट मोन्नो हायो, जेराव जिम जास्टिसआ निसान बिरहोयो। बेयो गोरलैयै रिटायर्ड सिनेटर, जाय मेनचिननि जायगाखौ आवग्रिनो हादों। बेर फासं

आथिखालाव सरकारा रावनिबो गावयारि सम्पतिफोरनि सायाव दखल खालामनो हानाय नलिया

गोदान दिल्ली, 6 नभेम्बर : सुप्रिम कर्टआ गावयारि सम्पतिफोरखौ फोलेरनि गुदि सोदांनय महरै गनायनानै राइज्योनि गेजेरजौं दखल खालामना एबा आवग्रिना लानानै राइज्योनि गाहामनि थाखाय रानानै होनाय मोन्थाइनि सायाव मख'जाथाव थांखि खोनासंहोदों। सा 9 बिजिरगिरिफोरनि संबिजिरारि पीठआ 7:2 नि गोबां भट होनाय थांखियाव बुडोदि, गासै गावयारि सम्पतिफोर फोलेरनि नंगुबै सोदांनयफोरनि बाहागो जानो हायो राइज्योनि गाहामनि थाखाय रानानै होनो थाखाय राइज्योआव बेखौ गावसोरनि मोन्थाइयाव लानो हाया। माखासे केसफोरावल' बिजिरगिरिफोर 429 पेजनि



राइज्योआ गावयारि सम्पतिफोरखौ लानो हागौ एबा दाबि देखांनो हागोन। गाहाइ बिजिरगिरि डिवाइ चन्द्रचुडनि दैदेनयाव सा 9 सोद्रोमायारि पीठआ महास्ट्रनि मोनसे केसआव संबिजिरारि पीठनो दैथाइ हरनाय आयेनारि सौंथिनि फिन्नाय होनानै बे थांखिखौ खोनासंहोयो। सा 9 बिजिरगिरिफोर 429 पेजनि

इउएनआव कंग्रेसनि दैदेनगिरि शुक्लाआ पाकिस्तानखौ सौंखारिदों



निउर्यक, 6 नभेम्बर: कंग्रेसनि दैदेनगिरि राजिब शुक्लाआ इउएननि जौसाइव गले-गले जाहोन गैयाजासे काश्मीरनि आयदाखौ देखांबाय थानायनि थाखाय गोखौं बिबुंथि होदों। शुक्लाआ इउएनआव बिबुंथि लाखिनाबे बुडोदि, पाकिस्ताननि थान्दै हान्जाया गोनांथि गैयाजासेनो काश्मीरनि आयदाखौ देखांबाय थयो आरो अदेबानि गुबै बाश्राया गुबुनसो। कंग्रेसनि दैदेनगिरिआ बुदोंदि, जम्मु-काश्मीरआव बावैसो

बाश्रा गोसार होनाया बे थान्दै हान्जानि आखु जाना थाबाय, जेराव बे फरामाबो दंफायो। बिथाड बुंवावोदि, सुबुंखाथि हादतआ आलादा रोखोमै खामानि मावो। बावैसो सिगांआव जोबलानाय गोगो बिसायख 'थिफोरव जम्मु-काश्मीरनि सुबुंफोर रिक्टर्ड महरै भट होदों। जेसेबांखि नंखाय बाश्रा गोसारहोनो नाजायामानो बिसोरनि नंगुबै सावगारिखौ सोलायहोनो हाया होन्नाबो शुक्लाआ सौंखारियो। पाकिस्ताननि थान्दै हान्जानो बोसोन होनानै शुक्लाआ बुडोदि, बे जौसांखौ बिसोर गावसिनि जेना-गोनां राजखाथियायि एजेन्डाखौ आवगायलां होनायाव बाहायालासेनो बेयाव बांसिन गोथौवै बाहागोयारि जानायाव बागायनांगोन। भारतआ नंखाय खोरांफोरनि बेरेखा अभियानआव इउएनखौ हेफाजाव होबाय थागोन होनाबो बिथाड बुडो।

एलएसियाव थासारिया सरासन्त्रा जानायाव सम नांगोन

गोदान दिल्ली, 6 नभेम्बर : सान्जा लाहाइआव थानाय एलएसियाव सान्थियायि जेना फोजोवनायखौ लानानै भारत आरो चीनि गेजेरव थानाय दानाव जानाय रदायखौ आबुडै सोलिहोनायाव सम नांगोन। आथिखालनि रदायनि बायदियै दर्नैबो हादतफोरा गावबा-गावनि सान्थिफोरखौ बोखानाय हाबाफारिखौ जागायखांबाय। बेयाव पेट्रुलिनि हाबाफारियावो जागायबाय। नाथाय 2020 नि सिगांनि थासारियाव सान्थिफोरखौ गाव गावनि जायगायाव दैथाइ हरनाय खामानिया आबुं जानायाव सम नांगोन। बे बाश्राखौ गुबुन हादतयारि मन्थि एस जयशंकरआ थानाय मंगलबारखौ अस्ट्रेलियाआव मोनसे राइज्योयारि जौसनिफ्राय भारत



आरो चीनि सोमोन्दोफोरनि सोमोन्दै सोनाय सौंथिनि फिन्नायाव होयो। भारत आरो चीनि गेजेरव थानाय 2020 नि एप्रिलनिफ्राय सान्जा लाहाइखनि खाथि एलएसियाव जेना सोमजिदोंमोन, जायनि गोहोमा दर्नै हादतफोरनि सरासन्त्रा सोमोन्दोफोरनि सायावबो गोग्लैदों। फारनैथिजायनिफ्राय रोजा-रोजा सान्थिफोर आरो गोबां सान्थियायि साजायग्रा मुवा-

दावहा सोलिफुनाय गेजेरावनो गाहाइ मन्थि नेतन्याहुआ रैखाथि मन्थि यभखौ बिबाननिफ्राय बोख्नायो

गोदान दिल्ली, 6 नभेम्बर: इज्राइलनि गाहाइ मन्थि बेन्जामिन नेतन्याहुआ गाजा आरो लेबाननआव सोलिनाया दावहानि गेजेरव हरखाव गावनि रैखाथि मन्थि यभ गेलेन्टखौ बिबाननिफ्राय बोख्नायो। दावहा सोलिफुनायाव नेतन्याहुनि बे थांखिजौं बयबो सोमोनांदों। गाहाइ मन्थिआ इज्राइल काटजखौ हादतनि गोदान रैखाथि मन्थि खालामो। इज्राइलनि सान्थियायि अभियानफोरखौ लानानै यभ गेलेन्टनि सामलायनायनि सायाव फोरमायनाय गैयैखौ बेन्जामिना फोरमायदों। मख'जाथावदि, इज्राइल काटजआ 2019 निफ्रानयो गुबुन हादतआरि मन्थि बिबान सामलायना दमोन। बिथाड



नेतन्याहुनि दक्षिणपति लिक्वुड पार्टिनि फासंनिफ्राय 1998 निफ्राय वेस्ट (संसद)नि सोद्रोमावो जाबोदों। काटजआ नेसेटआव गुबुन हादतआरि केसफोर, रैखाथि आरो न्यायखौ कबार खालामग्रा कमेटिजौं लोगोसे गोबां समितिफोरवबो खामानि मावखांबाय। थानाय 20 बोसोरव बिथाड आबाद, हान्था मेला, संगालि, रांखाथि आरो इनाजि बिफनफोरजौं लोगोसे गोबां मन्थि बिबानखौ सामलायबोखांबाय। बिथाड सान्थिआवबो सिबिथाइ होखांबाय। काटजआ 1973 माइथायाव सान्थि हान्जानि बाहागोआरि जादोंमोन आरो 1977 आव बेनिफ्राय ओंखारना पेट्रुटप महरै खामानि मावदोंमोन।

शारदा सिन्हा नि रुंसारि जानायाव पिएम मदिजों लोगोसे माखासे दैदेनगिरिफोरा दुखु मोनाय फोरमायदों

गोदान दिल्ली, 6 नभेम्बर : मुदांखा खुगा मेथाइ रोजाबगिरि शारदा सिन्हा नि रुंसारि जानायाव गाहाइ मन्थि नरेन्द्र मदि, मिरुयारि नख 'र मन्थि अमित शाह आरो बिहारनि गिबि मन्थि नितिशा कुमारआ गोथौयै दुखु मोनाय फोरमायदों। बेनि अनगायै माखासे गुबुन दैदेनगिरिफोराबो एक्स हेन्डेलआव ड्रट खालामननै शारदा थैनायनि सायाव दुखु मोनाय फोरमायदों। बिनि सोमोन्दै पिएम मदिआ बुडोदि, मुदांखा देंखोगिरि शारदा सिन्हा थैनायनि सायाव गोबां दुखु मोन्दों। बिथानि रोजाबनाय मेथिली आरो भजपुरीनि खुगा मे थाइफोरा माखासे बोसोरनिफ्रायनो बयजोंबो गोबां अन्साइजादों। फोथायनायजों



सोमोन्दो गोनां बिनि मिलौदो देंखोनि रिखानायाबो थाबाय थागोन। बिथानि जिउ गोमानाया देंखो मुलुगनि थाखाय मोनसे सुख 'हायै ख 'हा। दुखुनि बे समाव बिथानि नख 'रजों लोगोसे दंफायो होना बिथानि मदिआ बुदों। फारसेधिं, बिहारनि गिबि मन्थि नितिशा कुमारआ खुगा मेथाइनि रोजाबगिरि शारदा

सिन्हा थैनायनि सायाव बिबुंधि फोसावो। बिथानि माखासे हिन्दी सावथुनफोरवबो गावनि देंखोखो होदोंमोन। देंखो मुलुगाव बिनि बिहोमानि थाखाय भारत सरकार 1991 आव पद्मश्री आरो 2018 आव पद्मभुषण बा-न्थाजों मान बाउदोंमोन। बिथानि थैनायजों देंखो मुलुगाव सुख 'हायै ख 'हा जाबाय।

अख्रामा स्टेशनाव थाहैनाय सुनिता उडिनियाम्सा बिसायख थियाव भट होदों

गोदान दिल्ली, 6 नभेम्बर : आमेरिकानि हादतगिरि बिसायख थियाव 5 नभेम्बराव जालाडे, जेराव बिजाथि डनाल्ड ट्रम्प आरो कमला हेरिसनि गेजेराव गोखों बादायलायनाय जायो। आमेरिकानि बयबो गुण गोनां भतरफोर सेन्टराव थांन भट होयो। भट होनाय बे हाबाफारियाव नासायाबो अख्रामायाव थाहैनाय एस्ट्रनटसनि थाखाय यजना बानायदों, जाहाथे बैयानिफ्राय बिथानोनाहा गावनि भटखौ होनो हायो। बे समाव

सा 4 आमेरिकानफोरा अख्रामायाव दंहेयो। बिथानोमोननि गेजेराव बई स्टारलाइनार अख्रामा दावबायारि सुनिता उडिनियाम्सा आरो बुच विल्मरआबो दंफायो। थानाय सेपेम्बराव नासानि मोनसे प्रेस कन्फेन्सआव सुनिता उडिनियाम्सा स्पेसनिफ्राय भट होनायनि गोसो जानायखौ बुधिदोंमोन। 1997 निफ्राय नासानि एस्ट्रनटसआ स्पेस स्टे शानि फ 1 य



बिसायख थियाव भट होबोदों। स्पेस स्टेशनआव थानाय आर्बिटि लेबरेटरनिफ्राय एस्ट्रनटसआ इलेक्ट्रिक बेलेटनि गेजेराजों भट होयो। सेटेलाइट फ्रिक्वेन्सिनि गेजेराजों इलेक्ट्रिक भतर मेथिनखौ स्पेस स्टेशनआव दैथाइहरनाय जायो, जायनि उनाव एस्ट्रनटसआ

भट होनो आरो बेखौ बुहुमाव दैथाइहरनिफ्राय जायो। नासानि बायदिल्वा, डेभिड वुल्फआ 1997 आव अख्रामायाव भट होनाय गिबिसिनु सुबुं आरो केट रबिन्सआ 2020 नि आमेरिकान बिसायख थियाव स्पेस स्टेशननिफ्राय भट होनाय जोबथा एस्ट्रनटमोन।

राकेश झुनझुनवालानि आकासा एयारनि रेभेनिउआ 4 गुन बांदों



गोदान दिल्ली, 6 नभेम्बर: आकासा एयारनि खहाआ थांनाय रांखाथि बोसोराव बांनानै 1,670.06 कौटि रं जायो। आथिखालाव कम्पानीनि गासै आर्जिनाया बे समाव बांनानै 3,144.38 कौटि रं जायो। बिजनेस इन्टेलिजेन्स प्लेटफर्म टफलरआ मोनाय अन्जिमनि बादिल्वा, 2 बोसोरनिफ्राय सालायबोबाय थानाय एयारलाइननि गुबै खहाआ रांखाथि बोसोर 2022-23 आव 744.53 कौटि रंमोन। थानाय रांखाथि बोसोराव कम्पानीनि हांजायाव गं 24 उरं जाहाजफोर दडमोन। बे समाव कम्पानीआ सानफ्रोमबो खेब 110 निखुइ बांसिन उरं जाहाज सालायो। आकासा एयारनि गाहाइ कम्पानी एसएनभि एभिएसन प्राइभेट लिमिटेडआ कर्परेट बिथिफोरनि बिफाननो होनाय खौराडव बुडोदि, थानाय रांखाथि बोसोर 2023-24 आव कम्पानीनि गासै खरसाआ बांनानै 4,814.44 कौटि राडव सौहेयो, जाय बेनि सिगानि बोसोराव 1,522.27 कौटि रंमोन। बे रांखाथि बोसोराव आकासा एयारनि केपासिटिआ 3 गुन जायो। बेजों रेभेनिउआव 10 जौखोन्दो बांदों। बेनि सोमोन्दै एयारलाइननि सिइअ अन्कुर गयलआ बुदोंदि, जायखि-जाया एयारलाइननो स्टेबल जानायाव माखासे बोसोर सन मांगौ जायो। बेनि उनावसो खहानिफ्राय बाराग 'नो हायो।

उत्तराखरिफोरनि गेजेराव खेबने इनकाउन्टर जायो। मंगलबार मोनानि 11:30 रिंगायाव कुपवाड़ा जिल्लानि ललाब हाग्रा ओन्सोलाव रैखाथि हांजा आरो उत्तराखरिफोरनि गेजेराव गुलि गावज्जलायनाया जायो। बेनि उनाव सान्थिआ सार्च अपारेसन खालामो। मंगलबारारवो बांदिपरानि केटसुन फरेस्ट एरियाआवबो गुलि गावज्जलायनाय जादोंमोन, जेराव सासे उत्तराखरिखौ जिउ फोजोबनो हायो आरो सान्थिजों लोगोसे सिआरपिएफनि सा 1-1 जवानफोरा जोखोम जायो। बिबानगिरिफोरनि बायदिल्वा,

जम्मु-काश्मीरआव 6 घन्टानि गेजेरावनो मोननै इनकाउन्टर जायो

जम्मु, 6 नभेम्बर: जम्मु-काश्मीरआव मंगलबारखालि रैखाथि हांजाफोर आरो उत्तराखरिफोरनि गेजेराव खेबने इनकाउन्टर जायो। मंगलबार मोनानि 11:30 रिंगायाव कुपवाड़ा जिल्लानि ललाब हाग्रा ओन्सोलाव रैखाथि हांजा आरो उत्तराखरिफोरनि गेजेराव गुलि गावज्जलायनाया जायो। बेनि उनाव सान्थिआ सार्च अपारेसन खालामो। मंगलबारारवो बांदिपरानि केटसुन फरेस्ट एरियाआवबो गुलि गावज्जलायनाय जादोंमोन, जेराव सासे उत्तराखरिखौ जिउ फोजोबनो हायो आरो सान्थिजों लोगोसे सिआरपिएफनि सा 1-1 जवानफोरा जोखोम जायो। बिबानगिरिफोरनि बायदिल्वा,



रैखाथि हांजाफोरा बांदिपरानि चुटपाथरि हाग्रायाव उत्तराखरिफोरि खोभामानायनि खौरं मोन्दोंमोन, जाय उनाव गासै ओन्सोलखौ बे'खनो आरो सिग्रोमनाय अभियान जागायदोंमोन। बे समावनो उत्तराखरिफोरा गुलि गावहरजेनो आरो उनाव गुलि गावज्जलायनाय जायो। बैयानो सासे उत्तराखरिनि जिउ गोमायो। बेनि सिगां 2 नभेम्बरआव श्रीनगरनि खानयारआव गुलि गावज्जलायनायाव सासे उत्तराखरिखौ फोजोबनो हादोंमोन आरो सा 4 जवानआ जोखोम जादोंमोन। फारसैथि जम्मु-काश्मीर पुलिसआ मंगलबारआव सिआरपिएफनि 22 आरआर आरो 92 बेटेलियनजों लोगो नांन उत्तराखरिफोरनि सासे हेफाजाबगिरिखौबो हयो। बिखौ

आशिक हुसेन बानी होना मिबथिनो मोन्दों, जाय जम्मु-काश्मीरनि सपरआव तुजार शरिफनि थागिबि। बिजों लोगोआव पुलिसआ गांसे फिस्टल, गर 7 गोथौं गुलि आरो गंसे मेगजिन बोखानो मोन्दों।

एसइउभि काइलेकखौ भारतआव लन्च खालामबाय

गोदान दिल्ली, 6 नभेम्बर: लाग्जारि कार बानायग्रा कम्पानी स्कडा भारतियआ बाजारआव दोहौ सोमजिहोनो थांगासिनो। अट' कम्पानीआ गिबि खेब कम्पेट एसइउभि सेगमेन्टआव एन्ट्रि लादों। कम्पानीआ गावनि नेनानै थानाय एसइउभि काइलेकखौ भारतआव लन्च खालामबाय। भारतआव 4 मिटरनिफ्रायबो खमसिन गोलाव एसइउभिखौ नायनानै बे सेगमेन्टआव एन्ट्रि लादों। काइलेकनि एन्ट्रिजों लोगोसे दा मारुतिनि ब्रेजा, टयटनि नेक्सन, किय्या सनेट, महिन्द्रा एक्सइउड3X0 आ थौंजोडे सेलेन्स मोनगोन। काइलेकआव मोन 50



फिसडि पार्टिस मेक इन इन्डिया दड। स्कडा काइलेकनि जागायजेनाय बेसेना 7,89,000 रॉनिफ्राय जागायगोन। 2 डिसेम्बरनिफ्राय बेनि बुकिआ जागायगोन आरो 27 जातुवारनिफ्राय बेनि डिलिभारिखौ जागायगोन।

No.CSB/BTC/32/2024/260 Dated Kokrajhar, the 6th Nov., 2024

CORRIGENDUM

Application Fee:
Please read as Rs. 200/- (Rupees two hundred) only for ST/SC candidates instead of Rs. 200/- (Rupees two hundred fifty) which was issued advertisement in different news print media i.e. (i) The Sentinel (English), (ii) Axomiya Dainik Agradoot (Assamese), (iii) BODOSA (Bodo) & (iv) Hayenni Radab (Bodo) vide No.CSB/BTC/32/2024/257, dated 4th Nov., 2024 appeared inadvertently due to clerical error.

Sd/-
Member Secretary,
Central Selection Board BTC, Kokrajhar

IPR(BTC)/C/2024-25/828

No.KDB-415/2023-24 Dated Gurufela the 5th Nov., 2024

NOTICE INVITING TENDER

Sealed tender affixing a non-refundable court fee stamp of Rs.8.25 (Rupees Eight and twenty five rupees) only with a validity period of 180 days, which will subsequently to be converted and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under 15th FC fund for the year 2024-25 as stated below. The tender will be received by the undersigned upto 2.00 PM of 26/11/2024 and will be opened on the next day at 4.00 PM.

Sl. No.	Name of Work	Location	Estimated value (Rs. In lakh)	Cost of bid document	Amount of bid security	Time of completion
1	Const. of community toilet at West Thakampur Garja Sali	West Thakampur	Rs. 10,47,960.00 L	0.03%	SC/ST=1% OTH=2%	3 months
2	Const. of community toilet at Raikhunbari Catholic Church	Raikhunbari	Rs. 10,47,960.00 L	0.03%	SC/ST=1% OTH=2%	3 months

Details N.I.T may be seen in all working days during office hours in the office of the undersigned. Tender will be issued to the contractors of their authorized agent from 06/11/2024 to 26/11/2024 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela.

Sd/- Block Development Officer,
Kachugaon Development Block, Gurufela

IPR(BTC)/C/2024-25/826

Format C-2
(for political party to publish in website, newspapers, TV)

Declaration about criminal antecedents of candidates set up by the party
(As per the judgment dated 25th September, 2018, of Hon'ble Supreme Court in WP (Civil) No. 536 of 2011 (Public Interest Foundation & Ors. Vs. Union of India & Anr)

Name and Political Party: - United People's Party Liberal
Name of Election: - By election to the Assam Assembly, 2024
Name of State/UT: Assam

1	2	3	4	5			
Sl. No	Name of constituency	Name of candidate	(A) Pending criminal cases	(B) Details about cases of conviction for criminal offences			
			Name of Court, Case No. & Status of the case (S)	Sections of the Acts concerned & brief description of offence (S)			
				Name of Court & date (S) of orders (S)			
				Description of offence (S) & punishment imposed			
				Maximum punishment imposed			
1	By Election 31 Sidli (ST) LAC	NIRMAL KUMAR BRAHMA	Civil Judge (Jr. Division) Cum- J.M.F.C., Bijni	U/S- 384/341/506/323/294/34 IPC The complainant alleged that on 12/12/2022 at about 11:00 am the accused stopped a Vehicle Dumper loaded with sand gravel and Boulder near the accused village while returning from Quarry depot towards Joypur and forced the driver of the Dumper to stop the Vehicle and demanded money by abusing the driver and threatening him with dire consequences.	Not Applicable	Not Applicable	Not Applicable

*In the case of election to Council of States or election to Legislative Council by MLAs, mention the election concerned in place of name of constituency.

आमेरिकानि हादतगिरि बिसायख 'थिखौ नभेम्बर दानआव खुंनयनि 179 बोसोर गोजाम मिबथिनो गोनां बाथ्रा

आमेरिकानि हादतगिरि बिसायख 'थिआ 5 नभेम्बरआव जालांबाय। भारतआ जुथाइ सरकार सायख 'नायनि थाखाय गोवां खोलोबआव बिसायख 'थि खुंनय जायो। फासैथि आमेरिकाआव हादतगिरि बिसायख 'थिया सानसेल' खुंनय जायो। मख 'जाथावदि, आमेरिकायाव मोनफ्राम 4 बोसोरनि उनाव नभेम्बर दाननि गिबि मंगलबारआव बिसायख 'थि खुंनयनि रहा एबा खान्थि सोलिबोनाय दड। आमेरिकाआव 150 निबो बावसिन बोसोरनिफ्रायनो नभेम्बर दाननि जागायजेनाय एबा गिबि मंगलबारआव बिसायख 'थि खुंनय जाबोदों। नाथाय बे खान्थिया माला आरो माबोरै जागायजेनबोखो बेनि बागै गोवां खम सुबुंफोरा मिबथिगो। मिबथिनो हानाय बायदिल्ला, 19 थि जौथायनि गेजेरसिमाव आमेरिकानि दरफ्रामबो रड्ज्योआव गुबुन गुबुन सानाव बिसायख 'थि खुंनय जायोमोन आरो बेखौ डिसेम्बरआव इलेक्टेरल कलेजनि जथुम्मा जानायनि सिगांनो फोजोबनाय



जायोमोन। 1844 माइथायाव हादतगिरि बिसायख 'थिया नभेम्बरनि जागायजेनायनिफ्राय लानानै डिसेम्बरसिम सोलियोमोन। माखासे सुबुंफोरा बे राहाखौ मोजां मोनाखे। हिस्ट्री डट कमनि बायदिल्ला, गुबुन गुबुन सानाव बिसायख 'थि खुंनयजां बेनि फिथाइआव गोहोम गोरलैनो हागौ होन्ना सुबुंफोर गियोमोन। माखासे जेना आरो सन्देहफोरखौ फोजोबनो थाय 1845 माइथायाव आमेरिकानि कंग्रेसआ मोनसे बिथोनमा पास खालामो। बेनि गेजेरजौ हादतगिरि आरो लेडइ हादतगिरिनि बिसायख 'थिनि

अक्टखौ थि खालामना होनाय जायो। बिथोनमायाव बुंनय जादोंदि, बे अक्टआ नभेम्बर दाननि गिबि समबारनि उनाव फेनाय मंगलबारआव जानांगो। नाथाय मंगलबारखौल' मानो सायख 'नाय जादों आरो नभेम्बरनि गिबि मंगलबारखौ मानो सायख 'नाय लाखो? बै समाव आमेरिकाआ दरसे गोदाने दाजानाय हादतमोन, बेयो दाजानाय 100 बोसोर जायाखैमोन। बेनि बांसिन सुबुंफोरा आबाद मावोमोन। नभेम्बर दानखौ सायख 'नायनि जाहोना जादों बे समा उदां बोथोर जायो आरो बे समाव

आबाद मावनाय एबा गोजां बोथोरनि सिगां जायोमोन। बांसिन आबादारिफोरा गोथौ-गोथौ गामि ओन्सोलफोराव थायोमोन, जायफोरा सहरनि पलिं सेन्टारसिम फेनायाव गोजाननि थाखाय जेना जायोमोन। फासैथि रबिबारखौ सायख 'योबलाबो खुंनयन धोरोमारिफोर बे साना गिजांआव थाडे। बेनिफ्राय बुधवारआवबो बाजार जायोमोन। जेराव आबादारिफोरा गावसिनि फसलफोरखौ आरो मुवाफोरखौ फान्नायाव मुखुब जायोमोन। मंगलबार बायखौनो उनाव थि खालामना लानाय जायो।

सरकारा गामियारिफोरनि थाखाय मोसौनि गोबोरखि बायथुमनायनि टेन्डार फोसावदों



गोदान दिल्ली, 6 नभेम्बर : हिमाचल प्रदेशनि आबाद मन्थि चन्द्र कु मारआ बुडोदि, किल 'ग्रामआव 3 रं हिसाबे जैबिक मोसौनि गोबोरखि बायनायनि थाखाय टेन्डारस फोसावो। सरकारा जाफुंसार बलिदाता बेग, हान्था-मेली आरो

बाखि एबा दोन्थुमनाय सुबिधाबो जगायना होगोन। बिथाडा बुडोदि, जैबिक एबा बायल 'जि आबाद मावनायाव बो लो होनायजां लो गोसे आबादारिफोरनि आय बांहोनायनि थाखाय आबादआव हाइ-टेक टेक्नीकखौ बाहायनाय जागोन।

मन्थिया बुंदों, आबादखौ बाडइ बेसेनाव मोन्नो हानायनि थाखाय मोनसे आबादारि नख 'रनि दानारि आयआ 20,00 रंनिफ्राय 25,000 रंनि गेजेरख जानांगो। जैबिक गोबोरखिया मोनसे मिथि'यारि पषक तत्वफोरजों आवुं हासार। बेखौ

हानि सावसि आरो बिफां-लाइफांफोरनि जौगानायाव बाहायनाय जायो। किल 'ग्रामआव 3 राडै जैबिक हासार बायनायनि थाखाय टेन्डार फोसावनाय जादों आरो जाय कम्पानीनो बे हाबाखौ गथायनाय जादों बेयो बेग जगायना होगोन, बेफोरखौ बुं'होगोन आरो सिल खालामगोन। लो गोसेनो गारि-मटर आरो दोन्थुमनायनि सुबिधा जगायना होगोन आरो बिनो किल 'ग्रामआव 4-5 रं होनाय जागोन। गोबोरखि हासारनि बाखिखौ हिमाचल प्रदेश राड्ज्यो हेफाजाबयारि रानसारथाइ आरो बाहायगिरि संघ लिमिटेड (हिमपेड) नि गुदामफोराव खालामनाय जागोन।

रेलवेआ रेल दावबायारिफोरनो गाहाम सुबिधा होदों

गोदान दिल्ली, 6 नभेम्बर : भारतयारि रेलवेआव सानफ्रोमबो कौटि कौटि सुबुंफोरा दावबायो। गोलाव जान्थाइनि थाखाय दावबायग्रा सुबुंफोरा सरासन्सायै सिगाडववो ट्रेनफोरव गावसोरनि सिटखौ रिजांरि खालामना लायो। नाथाय जाय सुबुंफोरा रिजांरि टिकेट मोना, बिसोर गोनांथि जानायाव जेनेरेल क्लासआव दावबायनो गोनां जाना फैयो। सरासन्सायै नुनो मोन्नाय जायोदि, गोवां रेलवे स्टेशनफोरव जेनेरेल क्लासनि टिकेटनि थाखाय काउन्टारव दावबायारिफोरनि गोलाव गोलाव लाइन जानानै थायो, जेराव गोवां घन्टा नेनायनि



उनावसो नाम्बार फे यो। आथिखालाव भारतयारि रेलनि मोनसे औरैबायदि मबाइल एप दंसे, जेराव जेनेरेल क्लासनि टिकेटखौनो बायनो हासिगोन।

भारतयारि रेलवेआ जेनेरेल क्लासआव दावबायग्रा दावबायारिफोरनि सुबिधानि थाखाय इन्टिग्रेस मबाइल एपखौ जागायदोंमोन। बे एपनि मदतजों

नोंथाडा जेनेरेल क्लासनिबो टिकेटखौ बुक खालामनो हागोन आरो काउन्टारव गोलाव लाइनआव गोवां घन्टासिम नेनायनिफ्राय बाय 'नो हागोन।

निसा जाथोनि मुलियारि बेसादजों लोगोसे सासे सुबुंखौ हमदों

चेड, 5 नभेम्बर: निसा गोनां मुलियारि बेसादजों लोगोसे सासे फालांगिरिखौ हाडली पुलिसआ हमदों। समबारखालि मोनसे खौरनि बिथायव बिबान मोन्नाय पुलिस बिबानगिरि राजिब नेउगनि दैदेनायाव मैरा मारायाव निसा गोनां मुलियारि बेसादिन हेंथायै नागिरसंनाय

हाबाफारि लादोंमोन। बे नागिरसंनायाव मोनै साबोननि बाकसनिफ्राय 19.45 ग्राम सन्देह गोनां हेरइनखौ पुलिसआ बोखानो हादों। लोगोसेनो सासे फालांगिरिखौबो हमनो हायो। हमजानाय फालांगिरिनि मुंखौ इब्राहिम आलि होना मिबथिनो मोन्नाय जादों। बेनि न'खौ

हाडलीनि मैरा मारायाव होनायै मिबथियो। हमजानाय इब्राहिमनिफ्राय पुलिसआ गंसे मबाइल फन आरो नोगोद 22,500 रांखोबो बोखानो हादों। आथिखालाव फालांगिरिनि हेंथायै पुलिसआ के स थिसनबाय। मख 'नो गोनांदि, बे नागिरसंनाय

हाबाफारिखौ बिबान मोन्नाय पुलिस बिबानगिरि राजिब नेउगआ दैदेन्दोंमोन। लोगोसेनो लेडइ नायसंगिरि फारिथै- देबाशिस काश्यप, दायना एलबाम बरुवा, डि.कि. तालुकदारजों लोगोसे पुलिसनि मोनसे हान्जाया हेफाजाव होदोंमोन।

रंजालि गथ'फोरनि सौरा

लन्थाइ

आथिखालनिफ्राय खुवासि मुगासिम जेसिबां जारिमिन सोरजिदोंमोन, बायफले लादों - थेर बेथेर जाजोबदों साखि द हनै -- लन्थाइ खाम्फा महराव। हादान सिफायग्रा फामुआरिफोरा मुगायै मुगा बारलादोंमोन, दावबायारि एबा बिर जोहोलाव फोराबो रोजा रोजा आथिंजों गागिल लादोंमोन! नॉनि मादामालि खानाय सोलेराव गोजां बोथोर एबा उदां बोथोर मुगायै मुगा देरहानाय आरो जेननायनि साखि जानानै। आं लन्थाइआ बुंदों -- आंखौ नायगिरनो नाड आरो जानो नाड उसाव बादव आनि थड बै मोनसेआनो नॉनि आखाइ बिलिर नायाव गोजा गुफुर गोमो गोथां गाव लाना समायफलेनाय महराव आं जुदाखा। जेथो नाडे सानखान्थिआव रोखोमसे जायै लामा गब्था फोरा लन्थाइनि थाखाय मेगनन मोदें? जानो हागौ जारिमिनाबो मेडे खंसांर फोरा रोदा सुनो गोसो जायो, नाथाय मेगननि मोदें हुगारनो हाया मानोना बियो मोनसे लन्थाइ। मालाबा सम मोनोब्ला गय बिलाइनि सेरजों नायदाव हर खवसे जामलानाय अखाफोरखौ हर खोमसिनि गेजेराव।

गोसोखांथि महर

दाबोनो हायाखै बवगारनो गारबोनाय बै गोजोन बुब्लि जाखफैयो दाबोनो साया माया उन्दै समनि बै गेलेनाया। समायना रमयना मिथिगानि गेजेराव दडमोन गंसे फिसा बर' गामि जाय गामिनि मुंखौ खोनायोब्ला दाबोनो गोसोआव बागदावखाडे। दडमोन गंसे फिसा थानसालि जेराव जों अबंलाउरिखौ गाबजियो दडमोन गंसे फिसा गुदि फरायसालि जेराव जों बसथायाव जिरायना फरायो दडमोन गंसे फिसा गेलेग्रा फोथार जेराव जों नारें जुम्नाखो जोलुर गेलेयोमोन। गेलेदोंमोन ओंखाम ओंखिरि फिथा हमनाय थाखोमा लायनाय जारमन हाग्रा सिफाइ सिफाइ हाग्रा बिलाइखौ फेसा खालामना दाबोनो जाखफैयो गोसोआव गारबोनाय बै गोजोन बुब्लि दाबोनो हायाखै बवगारनो।

फुजाराम औवारि गामि: खैलाजुलि, बिस्वनाथ

निदान फेयोब्ला सहाय नांयो

निदान फेयोब्ला सहाय नांयो नाथाय निदानावनो मानो सहायनांहोनो मानोना सोलेरादि अन्थाइ एबा इटानि नंआ?

सबिराम बर' राबां, बाक्सा

नॉनि मिनिस्लु मिनिनाय

नॉनि मिनिस्लु मिनिनाय रायदावलाडे आनि गोसो गोरबोनि मोनसे खाना बिलिरफैयो आनि गोबों फोथार नॉनि मौसुमि बार जानानै, आनि उदां सोलेर गोजोन जाजासे नॉनि अनसुलि महर समायनासिन जायो आनि गोबों जाहाराव नॉनि दान्दिस गेलेगलाफैक्या।

जिउ गोजोननि थानसालि

गोथार जायो

नों गोसो गोथारै बिबार बावनायाव

जिउ सोलेर गोजोन्नाय मोन्नो हायो

निजोम फैसालि बेसेन गोसा ओंथि फोरमायलायनायनि

गोसो बिदां मिजिनि सिमां रनसायजायो

उदां सानबोलावरि हास्थायनाय गोसो दावबायथिथलि।

नॉनि गोसो खुसियै लामा हाथिनाय

जिउ गोजोननि मिजिनि इसारा होनाय

गोदो गोदो उन्दुलानाय हरनि सिमांआव

नों आंखौ सिरि मोनहोयो,

गारबोनाय बुब्लि गोसो खांहोयो

गोबों जेवराजों आबिरनि गाव फुनफवनाय

जिउ गोजोन मिजिजों समायना सिमां मोन्नो हास्थायो।

प्रदिव रामसियारि सा डेकियाजुलि, सनिपुर

बांलादेशनि उतरखारि आफादा सोनाब बंगनि मोन 7

जिल्लाफोराव गावसोरनि मडयुल थियारि खालामनो नाजादों

कलकाता, 6 नभेम्बर :

बांलादेशनि उतरखारि आफाद जमात-उल-मुजा हिद्दीन (जेएमबि) आ पाकिस्ताननि संगालि आफाद आइएसआइनि मदतजों सोनाब बंग'नि मोन 7 जिल्लाफोराव गावसोरनि मडयुल थियारि खालामनो नाजादों। मिरुयारि संगालि एजेन्सिफोरा बेखौ लानानै सोनाब बंग' पुलिस आरो कलकाता पुलिसनि स्पेशल टास्क फर्सखौ सांग्रां खालामदों। बेनि उन्निक्रयनो नोजोर लाखिनायखौ बांहोना होदों। संगालि एजेन्सिफोरनि बायदिल्ला, जेएमबि सोनाब बंगनि माल्डा, मुशिदाबाद, उत्तर दिनाजपुर, बीरभुम,



नदिया, सा आरो खोला मोन 24 परगना जिल्लाफोरनि सायाव नोजोर होदों। बिसोर बे जिल्लाफोरनि माखासे औरैबायदि थियारि सोलौंथाइ फर्सथानफोराव गावसोरनि मडयुलखौ थियारि खालामनो लुबैदों, जायफोरा सरकारनिफ्राय मदत मोनाखै। जेएमबिनि दैदेनगिरि आरो

सोड्रोमाफोर फिसा-फिसा टीमफोरव रानानै सिगाडव बे सोलौंथाइ फर्सथानफोरनि फोरोंगिरिफोरजों सोमोन्दो लाखिनानै बिसोरनि ब्रेनवास खालामनो खैसार सादों। ब्रेनवास खालामनायनि उनाव बिसोरखौ फर्सथानाव सोनाब उतरखारि ट्रेनि होनायनि बेब'स्था लानाय जागोन।

बिसोरखौ बेनि थाखाय पाकिस्तान आरो गुलाम काश्मीराव लानाय जागोन। गोनांथि जायोब्ला बांलादेशआवबो ट्रेनिनि बेब'स्था खालामनाय जागोन। बिसोरखौ बेरफ्रुग्रा बेसाद थियारि खालामनायखौ फोरोंनाय जागोन। ट्रेनिनि उनाव बिसोरनो उतरखारि नायबिजिरनो थाखाय हाथियार होनाय जागोन। बेबायदिनो गोदान मडेल थियारि खालामनाय जागोन। जेएमबिआ मडयुल थियारि खालामनायजों लोगोसे सोनाब बंगआव गावसोरनि स्लीपार सेलखौबो एक्टिभ खालामगोन।

डनाल्ड ट्रम्प आ बिसायख 'थि देरहानाय लोको लोको एलन मास्कनो साबायख 'र बाउदों

वाशिंगटन, 6 नभेम्बर: डनाल्ड ट्रम्प आरो मुलुगनि बयनिखुइबो धोनिमि सुबुं एलन मास्कनि लोकोखौं रवबो लाखोमानो हाया। डनाल्ड ट्रम्पनि बाहागोआव मास्कआ खुला-खुलियै सापर्ट खालामदों। ससेल मिडियाआव बियो बिसायख 'थिनि समाव आबुडे एक्टिभ जादों आरो खुबुंफोरखौं ट्रम्पनो भट होनो खबलायदों। आथिखालाव जेब्ला डनाल्ड ट्रम्पआ बिसायख 'थि देरहायो अब्ला बियो गावनि बिबुंथियाव एलन मास्कनि मुंबो लायो। ट्रम्पआ गावनि बिबुंथियाव बिखौं बाखानायदों आरो सापर्टनि थाखाय साबायख 'र होदों। डनाल्ड ट्रम्पआ आमेरिकानि 47 थि



हादरगिरि जासिगोन। बिथाड बे बिसायख 'थिआव कमला हेरिसखौं फेजेनबाय। मख 'नो गोनादि, एलन मास्कखौं काउन्टि सान एबा दिनैबो डनाल्ड ट्रम्पजों लोकोसे नुनो मोन्दों। मास्कआ ससेल मिडिया प्लेटफर्म एक्सआव मोनसे फस्ट शेयार कालामदों।

गोदान दिल्ली, 6 नभेम्बर: भारत एबा गुबुन हादरआवनो जायमानो गोबां आइजोफोरा सारि गान्नायखौं मोजों मोनो। नाथाय बे समाव मोनसे गिथावना बाध्याय सोराडाव फेदों। मोनसे संदानायाव डाक्टरफोर सानै आइजोफोरनि पेटिकट केन्सारनि फाहामथायनि लेखा बिलाइफोरखौं नायसंदों। उत्तर प्रदेशनि जवाहरलाल नेहरु मेडिके ल कलेजनि डाक्टरफोरजों लोकोसे गुबुन डाक्टरफोर बुंदों, जान्जिआव पेटिकट दुरुं खानायजों बिगुरआव जेब्लाबो नारसिनाय जायो आरो सेरथेना थानायजों बुखानाय जानो हागौ, जायनिफ्राय आल्सार जानायनि



खैफोद दड आरो मब्लाबा समाव बिगुरनि केन्सारबो जानो हागौ। पेटिकट केन्सारजों भुगिनांनयफोरनि सासे आइजोआ बुंदोंदि, ब्रिटिश मेडिके ल जार्नेलआ के स रिपर्टआव सेबखानाय स्टाडीआव दोरोडारि गानग्रा कसाबजों लोब्बा गोनां जाथवना देहायारि खैफोदफोरखौं सोराडाव लाबोदों। डाक्टरफोर बुडोदि, बे जाथायखौं सिगां समाव सारि केन्सार महैरुंथिनाय जादोंमोन। नाथाय बेनि थाखाय जान्जिआव दुरुंखौं गोरायै खानायाबो मोनसे जाहोन जायो। स्टाडिनि लिगिरिफोरा फोरमायदोंदि, सासे 70 बोसोरनि आइजोआ

18 दाननिफ्रायनो गावनि आगदार्थि जान्जि बाहागोआव बिगुरनि आल्सार जानानै फाहामथाय लादोंमोन। बेनि सेर-सेरनि बिगुरनि गाबआ सोलायदोंमोन। गुबुन सासे आइजोआबो बिबिद जेना जादोंमोन। लिगिरिफोरा फोरमायदोंदि, 60 जौथायनि जेबनायर्थि सासे आइजोआ 2 बोसोरनिफ्रायनो जान्जिआव एल्सररिडिभ गारायनि जेना

जादोंमोन। बियो 40 बोसोरिमि सानफोरमोबो लुग्डा गानोमोन। लुग्डाखौं पेटिकट गैयालासे जान्जिआव गोरा खाथेना गानाय जायो। उनाव बायप्सीनिफ्राय मिथिनो मोनोदि, बे सानैबो आइजोफोरा मार्जलिनि आल्सार जादोंमोन, जायखौं स्क्वेमल सेल कासिनिमाबो बुंनय जायो। स्टाडि खालामग्रा जर 'खागिरिफोर बुंदों, मार्जलिनि आल्सारआ गोबां खम जाग्रा बेराम। नाथाय बेयो गिखुंथावबो जानो हागौ। बे बेरामआ खामनानै जानाय गोजाम गाराय, गानो रोडे गाराय, आथिनि आल्सार, गुरे बिगुरनि गाथिफोर आरो भेक्सिनेसन आरो जिबौ सौनाय दागोफोराव सोमजिखडाडे। जान्जिखौं गोरायै खाथेनायनि जाहोनाव बेनि बिगुरआ सेवथा जानानै थायो, जाय उनाव आल्सारनि महर लानो हागौ।

अट' मबाइल कम्पानीया मारुटि सुजुकिनि गोदान डिजायार लन्व खालामसिगोन

गोदान दिल्ली, 6 नभेम्बर : बाहायगिरिफोरा 11,000 रॉनि मुंदांखा अट'मबाइल कम्पानीआ मारुटि सुजुकीनि गोदान डिजायारखौं लन्व खालामसिगोन। 11 नभेम्बरखालि बे कारनि लन्विं जागोन। लन्विं सिगांनो बे कारनि फिचार्सआ लिंक जादों। लोकोसे मारुटि सुजुकिना बे ब्रैथि जेनेरेशननि डिजायारनि थाखाय फ्रि-बुकिं खौवो जागायबाय।



कारफोरनि गेजेराव दंफायो। गोदान मारुटि डिजायारआ

वाइ शेपनि एलइडि टेल लेम्पसजों लोकोसे मोनसे रियर स्पाइलारबो दड। ब बुट लिडआव क्रम गार्निसिबो खालामनाय जादों। टय वेरिएन्ट आब 9-इन्विनि फ्लटिं टचस्क्रिन, सिल्लार फिनिसजों लोकोसे सेन्ट्रल एयार कन्डिसनिं वेन्ट्स, अट'मेटिक क्लाइमेट कन्ट्रल आरो मोनसे गोदान डिजाइनि 3-स्पक व्हीलबो मोनफागोन। बेवहाय मोनसे सानरुफ, 360 डिग्रि केमेना आरो प्रिमियम लेदार अपहलस्ट्रिबो फेगारिसिनो दड। बे कारआव नोंथांमोनहा 6 एयारवेग, हिन-हलड अस्सिस्ट, इएसनि, रिभार्स पार्किं केमेय, एबिएलजों लोकोसे इबडि आरो आइसफिक्स चाइल्ड सिट एकर बायदि गोबां सेपिट फिचर मोनगोन।

इउक्रेन आरो सा-करियानि सान्थ्रिया गिबि खेब मोगा-मोगि जादों

क्विव, 6 नभेम्बर: इउक्रेननि रैखाथि मन्थ्रिया मंगलबारआव बुडोदि, इउक्रेन सान्थ्रिफोरनि गिबि खेब सा-करियानि सान्थ्रिफोरजों मोगा-मोगि जुजिदों। सा-करियानि सान्थ्रिफोरजों रसियानि मदतनि थाखाय थिसन्नाय जादों। क्विवनि सासे बिबानगिरिया फोरमायदोंदि, इउक्रे ननि सान्थ्रिया रसियानि कुर्क सिमा ओन्सोलाव सा-कारियान सान्थ्रिफोरनाव कामान गावहरो खौरनि बायदिब्ला इउक्रेननि



हादतगिरि भल 'डिडिमर जेलेनस्किआ मंगलबारआव भिडिअ मेसेजआव बुडोदि, इउक्रेन सान्थ्रिया गिबि खेब सा-करियान सान्थ्रिजों दाडबाजि जानायाव मुलुगआव बांसिन दिदोमथि गैयै एबा खैफोद नुजाथिदों। इउक्रेननि रैखाथि मन्थ्रि रुस्तम उमरभआ खोला करियानि सरकार टेलिकास्ट के बिएसनो होनाय इन्टारभिडआव फोरमायदोंदि, इउक्रे न आरो सा करियान सान्थ्रिफोरनि गेजेराव फिसा-फिसौ दावहा जादों। नैथि मुलुग दावहानि उनाव इउरपनि बयनिखुइ देरसिन दावहायव प्यंयानि बाहागोयारि जानाया जागायो, केबिएसआ अमरभनि

No.TECH-33/SE(Bldg)/NIT/BAK/2024-25/05 Dated Kokrajhar, the 06/11/2024
Tender No. 02 of 2024-25
PRESS NOTICE
 The Superintending Engineer, PWD, Kokrajhar Building Circle, Kokrajhar on behalf of the Governor of Assam invites bids from approved and eligible Contractors Registered with Public Works Department (Buildings), Assam Contractors registered with Bodoland Territorial Council in the category of Class-I (A, B & C) & Class-II for the 1 (One) No. of schemes/works for bids amounting to **Rs. 26,56,852.00 (Rupees Twenty Six Lakh Fifty Six Thousand Eight Hundred Fifty Two) only.**
 Detail may be seen at website <http://assamtenders.gov.in> and also in the office of the undersigned during office hours:
 Sd/- Superintending Engineer, P.W.D., Kokrajhar Bldg. Circle, Kokrajhar
IPR(BTC)/C/2024-25/825

No.DWCD(BTC)257/2024-25/46 Dated Kokrajhar, the 6th November, 2024
ITI-Ability Program to Enhance Skill Development for Youth with Disabilities in BTR
 The Bodoland Territorial Region (BTR), the Bodoland Territorial Council (BTC), in partnership with Shishu Sarothi, has launched the ITI-Ability Program to provide inclusive skill development opportunities tailored for persons with disabilities, helping them acquire vocational skills that enhance employability and open pathways for sustainable livelihoods. The program will be implemented at ITI Kokrajhar, where a range of one-year vocational training courses will be offered to support this mission.
 The ITI-Ability Program is open to individuals aged 14 to 35 with disabilities, residing in any of the BTR districts, including Kokrajhar, Udalguri, Baksa, and Tamulpur. The program covers essential expenses, including course fees and a monthly stipend for eligible students.
 The course selection reflects a careful assessment of market demand and skill relevance, with six vocational trades offered under the program:
 1. COPA (Computer Operator and Programming Assistant) – Suitable for individuals with locomotor disabilities, low vision, and other disabilities.
 2. Multi-Media – Prepares students with skills in media and digital communication, catering to various disabilities, including deafness and intellectual disabilities.
 3. Secretarial Practices – Focuses on administrative skills, helping youth with disabilities qualify for office-based roles.
 4. Basic Cosmetology – Trains participants in beauty and personal care services, an industry that provides flexible work options and entrepreneurial potential.
 5. Sewing Technology – Teaches garment making and tailoring, providing skills for local entrepreneurship or employment in the textile industry.
 6. Bamboo Works – A course aimed at harnessing traditional skills in bamboo craftsmanship, aligning with local industries and cultural heritage.
Key Timelines and Application Process:
 Applications for the ITI-Ability Program will open on November 4, 2024, and close on November 18, 2024. Classes are set to commence in mid-December, with a training duration of one year.
 For more information, interested candidates or their guardians are encouraged to visit www.iti-ability.org or contact local coordinators in their respective BTR districts for application details and further support. Prospective students can apply online or reach out to a dedicated helpline (+91-8822867130) managed by Shishu Sarothi for assistance with applications and other queries between 10:00 AM to 6:00 PM on working days.
 Sd/- i/c. Joint Director cum CHD, Women & Child Development, BTC, Kokrajhar
IPR(BTC)/C/2024-25/830

भारतआ आथिखालाव इउरपनि यानखौं दैथाय हरगासिनो

गोदान दिल्ली, 6 नभेम्बर: मोनसे समाव सोनाबयारि हादरफोरा भारतखौं डाबल स्टेन्डाई हादर महैरुं गनायोमोन। मोनफ्रोम बिथिडव बे हादरफोरा भारतनिफ्राय बारा मिजिथियामोन। बिसेर भारतखौं जिबौ-बिचुनिनल हादर सानोमोन। नाथाय थानाय माखासे बोसोरफोरनि गेजेराव मोनफ्रोम बिथिडव गावसोरनि जाफुसारायखौं दिन्थिनो हाबाय आरो आथिखालाव गासै मुलुगआनो भारतनि फार्से मिजिथिनाय नोजेरजों नायनो हमबाय। बेनि मोनसे जारिमिनारि बोसोरआ 2014, जेब्ला आमेरिकानि निडयर्क टाइम्सआ भारतयारि अख्रामा संदानग्रा आफाद इसर'खौं मिनिदोंमोन। अदेबानि सोंखारि जानायनि



उनाव खौरं बिलाइआ निमाहाबो बिदोंमोन। नाथाय आथिखालाव थासारिआ एरैबादि जाबायदि, इसर'आ मोनसेनि उनाव मोनसे एरैबादि मिसनफोरखौं लन्व खालामबाय, जायखौं गासै मुलुगआनो गंगलायनो गोनां जायो। बेनि गेजेरजों इसर'आ इउरपीय संघनि सेटेलाइट लन्व खालामनो थांगसिनो दड। बिगियान आरो टेक्नलजी मन्थ्रि जितेन्द्र सिंहआ थानाय मंगलबारखालि बुंदोंदि, भारतआ फेगौ दाननि जागायनायाव श्रीहरिकट अख्रामा मिरुनिफ्राय इउरपीय अख्रामा एजेन्सिनि प्रबा-3 मिसनखौं आन्जाद नायगोन। बेनि सोमोन्दे बिथाड बुंवावोदि, मिसननि गेजेरजों दैथाय हरनो गोनां मोननै जोन्थोरफोरखौं इसर'नि पिएसएलभिजों लोकोसे जथायनो थाखाय मंगलबारखालि फुडव श्रीहरिकटा लाबोनाय जाबाय आरो बेयो सानखौं नायबिजिनो थाखाय प्रबा-3 मिसननि बाहागो। मख 'नो गोनांदि, प्रबा-3 नि मोननै जोन्थोरफोरखौं पिएसएलभि-एक्सएल लान्चरनि गेजेरजों

उतखारि आयदानि सायाव भारत आरो नाइजेरियाआ लोकोसे आवगायबोदों

गोदान दिल्ली, 6 नभेम्बर: भारतनि एनएसए अजित डभाल आरो नाइजेरियानि माहारियारि रैखाथि बोसोनगिरि नुहु रिबाडुनि गेजेराव माखासे मख 'जाथाव आयदाफोरनि सायाव सावरयदों। अजित डभालनि खावलायहरनायाव नाइजेरियानि माहारियारि रैखाथि बोसोनगिरि नुहु रिबाडुआ 4-5 नभेम्बरआव भारत दावबायफेदों। नुहु रिबाडुनि बे दावबायनायखौं बेनिखायनो मख 'जाथाव महैरुं गनायना लानाय जादों। मानोना बे समाव भारत आरो नाइजेरियानि गेजेराव सोलोखान्थि आरो उतखारिफोरनि हेंथायै सावरयदों। गावनि दावबायनाय समाव नाइजेरियानि माहारियारि रैखाथि बोसोनगिरिआ मोनसवव माहारियारि रैखाथि गार्डनि परिषदावबो दावबायदों। भारत



आरो नाइजेरियानि माहारियारि रैखाथि बोसोनगिरिफोरा उतखारि, बिग्रायारि, हाथियार लाग्रा हान्जा, साइबार स्पेसनि गेजेरजों लोकोसे हारिमायारि दायनिगिरि, हाथियार आरो फेग्रा बेसादफोरनि सिखार खावनायजों सोमजिनाय अलखदफोरखौं लानानै गोथैयै सावरयदों। बे समाव सेलेन्सफोरनिफ्राय बारा 'नो आरो सोलोखान्थि महैरुं भारत-नाइजेरियानि गेजेराव शेयारखौं बांहोनायनि सायावबो सावरयो। बे जथुम्मानि समाव मोननैबो बाहागोफोरा उतखारिफोरनि गासै हाबाफारिफोरनि हेंथायै गावसोरनि दावहाखौं बांहोना थाखाय हेफाजाब होनायनि बाध्या बुडे। बे समाव दरनै हादतफोरनि माहारियारि रैखाथि बोसोनगिरिफोर दरनै हादतनि गोहो दानायाव हेफाजाब होनायखौं बांहोना आरो हारिमायारि ओन्सोलाव हेफाजाब होलायनायखौं गोखों खालामनायनि सायावबो गानार्थि होयो।

गसाइगावनि लाइमोन फालांगिरि उत्तम धालीआ आबथिरायै रुंसारि जाबाय

गसाइगाव, 6 नभेम्बर: गसाइगाव सोहोरनि 3 नं. वार्डनि धर्मशाला लामानि थागिरि रुंसारि दिनेश धालीनि ब्रैथि आरो उन्दैसिन फिसाज्ला उत्तम धाली (52) आ दिने फुनि 3:30 रिगायाव गावनि न'आवको रुंसारि जाबाय। मख 'नो गोनादि, हाइ ड्राइबेटिस बेरामजो सन्देर जानानै धालिआ थानाय माखासे दान नाडैनिफ्राय बेराम जानै थानायाव गुबुन गुबुन जायगायाव फाहामथाय लागसिनो दडमोन। आथिखालाव न'आवको फाहामथाय लाबाय थानो धालीआ थानाय हराव देहा थासारिया गोब्राब जानायाव दिने फुडव बिथाड जोबथा हां बोयो। ओन्सोलनि गासैबो जुलि-मेल आफादजो लोगोसे गुबुन गुबुन हाफारियाव मन्दब साजायनयनि खामानि मावनाय धालीआ सासे रंगीथि गोनां डेकारेट्ट महरै डेकारेसनखौ जिउ खानाय महरै हाबा मावनानै रुंसारि जानायनि सिगां समसिमाव बे खामानिजो लोब्बा जानानै दडमोन। आसाम पुलिसनि फुटबल हान्जानि मोनसे समनि रंगीथि गोनां गल क्रिफार रुंसारि दिलीप धालीनि फंबाय उत्तमआबो सासे रंगीथि गोनां फुटबल गेलेगिरिमोन। बिथानि अबथिरायै रुंसारि जानायाव गसाइगाव मिरु रडलि बिहु बान्जाय आफाद, गसाइगाव सारियालि बारवारी श्रीश्री दुर्गा फुजा बान्जाय आफाद, कमलनाथ क्लाब काम लाइब्रेरी, गसाइगाव दालाइ साहित्य सभा, गसाइगाव थाउन बारवारी श्रीश्री कालि मन्दिर आरो नामधर बायदि आफादफोर गोथीयै दुखु फोरमायथिनयजो लोगोसे दुखुजो मोगा-मोगि जानाय नख रनिमिम दुखु फोरमायथिदो। बिसि, सानै फिसाज्ला आरो साथाम फिसाज्लाफोरखौ नागरलानाय धालीनि जोबथा बिदाय होनायखौ सान्जौफुयाव माखासे अन्सायगिरिफोरनि नुजा फेनायाव जायगानि गोथै सालियाव खुनाय जादो।

(1 बिलाइनिफ्राय)

उदालगुरियाव हाग्रानि अमानि गाग्लोबनायाव सासे सुबुनि जिउ खहा आरो साथाम सुबुनि जोखोम

गामियाव भुटान हाजोनिफ्राय गामि फारसे माइ, थास 'बायदि आदार नागिरनानै ओंखारबोनाय मासे हाग्रानि अमाया गामियाव साथाम सुबुफोरखौ गोब्राबै जोखोम खालामलानायजो लोगोसे सासे सुबुखौ जायगायावको अरथारना गालाडो। थैनाय सुबुखौ सागलिझार गामिनि थागिबि 47 बोसोर बैसोनि दिनुलु थिगना उरफे आकास थिगना होना मिबन्थिनो मोन्याय जायो। फुंभिलि समाव सागलिझार गामिनिफ्राय बरमुकलिसिम गावनि गोनांथार मुलि लाफेनाय समावको बरमुकलि गामियाव थानाय गोलाव समनिफ्रायको उतरखार खालामबोबाय थानाय हाग्रानि अमाजो लामायाव मोगा-मोगि जानायनि जाहोनाव देहानि खावसे बाहागोखौ अरखलाबना होनायाव जायगायावको जिउ खोमानो गोनां जायो होना मिबन्थिहोयो गामिनि सुबुफोरा। लोगो लोगोको गामिनि सुबुफोरा ओंखारबोनाय हेसिखावनायनि जाहोनाव जाथइ जानाय जायगानिफ्राय साहा फारसे माइ दुब्लि फोथारजो खालिंदुवार हाग्रा रिजाभआव हाग्रानि अमाया खारलाडो होनाबो मिबन्थि होयो। बेनिनो गुबुन समफोराव हाग्रानि मैदेरजो गामियाव सुबुफोरा माबा मोनसे जाहोनाव गावनि जिउखौ खोमानो गोनांथि जायोब्ला सरकारनि फारसेनिफ्राय रंआरि अन्सुथाय मोनो हानाय बायदिनेयो थिगना बेलायावको हाग्रानि जुनारआ गाग्लोबनाय लेखायै मोनो नांगो होनाबो दिनेनि सानाव दाबि दैखांदो। मख 'नो गोनादि, जाथयनि बागै साखाथिनि पानेरि पुलिस थानायाव खौरांखौ दैथाय हरनाय लोगो लोगोको जाथय जानाय थावनिमिम पुलिस बिफानआ नुजाथिनानै थैनाय सुबुनि गोथै देहाखौ पष्ट मटम खालामनो थाखाय उदालगुरि चिभिल देहा फाहामसालियाव लानानै थाडो। जाथयखौ नोजोर होयोब्ला भुटान हाजो साखाथियाव थानाय गोलाव समनिफ्रायको राइजो जाबोनाय थागिबि हारिनि सुबुफोरा सानफा एफा बेबादिनो हाग्रानि जुनारफोरजो आबाद थिलि, न'-बां, बारि-बागाना माब्लाबा आरो जिउ खोमानो गोनां जायोब्ला इयुनाव बेनि फिन्याया मा जाहैगोन दिनेनि सानाव सान्को गोनां जानानै फेदो।

कक्राझाराव भिजन डकुमेन्टनि सायाव 3 ...

आरो भिजन डकुमेन्ट कर्मिनि आफादगिरि कारकिराम बर'आ बेखेवनाय होयो। गावनि बेखेवनाय बिबुंथियाव, बुंथिगिरि बर'आ बिडिअरनि थाखाय मोनसे बाहागोआरि इयुनिनि सान्थीनि गोनांथिनि सायाव गोसो होयो। बिथाड गनायदोदि मोनफ्रामबो हरिहा गुबुन गुबुन नोजोरथि थानो हागो, नाथाय बाहागो लागिरिफोरखौ खोथा होयोदि बिटिसिआ गावसोरनि गोहोनि सिडव बेफोरखौ सुखानो नाजागोन। बिथाड बेखौबो मख 'थोदि बिटिसिआ मिरु आरो राइज्यो सरकारजो नंजावफागोन, जायनि थाखाय बायजोआरि आखाय होनांगीनि गोनांथि जायो। दिनेनि जोबथा सानाव जथुमाव बाहागो लानायखौ बांनाय नुनो मोन्दोमोन, जेराव 31 आफादफोरनि थान्दैफोरा बाहागो लायो। बिटिसिनि मावफुं सोद्रोमा उडलसन हासदाआ भिजन डकुमेन्ट बिखान्थिनि गोनांथिनि सायाव बोलो होनाय जथुम्मायाव बिबुंथि लाखियो। बिथाड गोसो होनाय बुडोदि बे खाखिया मोनसे खुंथायारि आगजुल' नड, नाथाय बिटिअरनि हारिफोरनि थाखाय मिजि आरो हास्थायनायनि नेरसेन। बिथाड बाहागो लागिरिफोरखौ मुखव थानो खावलायो, मानोना बिसोरनि बिहोमाया मोनसे इयुनखौ महर होनायाव मदद होगोन जेराव गासैबो हारिफोरा जयै जोगासारगोन। सानथनि मेलव गुबुन गुबुन फरायसा आफाद आरो सुबुं समाजारि आफादफोरनि थान्दैफोरा सावरायनायाव सांग्राडैबिहोमा होनाय गावसोरनि नोजोरथि आरो गोनांथिफोरखौ रानलायदोमोन। सावराय मेलफोरखौ बिटिसिनि लोगो सेक्रेटारि आरो भिजन डकुमेन्ट कर्मिनि सोद्रोमा सेक्रेटारि रिनु चन्द्र बर'आ दैदेनदोमोन। बोसोन होनायनि थाखिया बिटिअरआव मोनफ्रामबो हारिजो मोगा-मोगि जानानाय हास्थायनाय आरो जेनाफोरनि सायाव ओंथिगोनो सावरायनायाव सुबुं थान्दैफोर, बाहागोआरिफोर आरो दैदेनगिरिफोरखौ सोफादेरनाय।

तामुलपुरआव कच-राजबंशि फरायसा ...

सोमावसारनाय हाबाफारिखौ जागायजेनायनि बाशा दंमोनब्लाबो पुलिसआ बे हान्जा सुरनाय हाबाफारि खुंनया हेंथा होयो। जाउनाव पुलिस आरो सोमावसारगिरिफोरनि गेजेराव दुंहाव थासारि सोमजियो। बेनि गेजेरावको पुलिसनि होबथानायखौ सौसिनानै सोमावसारगिरिफोर दावगालो। सोमावसारगिरिफोर आसाम सरकार हाय-हाय, जौको कमतापुर नांथारगौ, मिन्त बिश्व शर्मा हाय-हाय, जौको एस्टि नांथारगौ, बायदि स्ल 'गान होनायै गोखौ सोमावसारो। तामुलपुरआव थानाय कच-राजबंशि फरायसा आफादनि गहाइ मावखुलिनि मोखानिफ्राय खुंनया बन्जार लानानै हान्जा सुरनायखौ पुलिसआ होबथायोब्लाबो माखासे सोमावसारगिरिफोर रडिया-भुटान हारिमायारि राजा लामायाव बन्जार लानानै बायदि-बायदि स्ल 'गान होनायै गोखौ सोमावसारो। अदेबानि दान्दिसे समनि उनाव गोजोनै सोमावसारनाय हाबाफारिया थुंगेयो। सोमावसारनाय हाबाफारियाव दुलाराइ आसाम कच-राजबंशि फरायसा आफादनि फोसावदि नेहाथारि शंकर राजबंशि, तामुलपुर जिल्ला कच-राजबंशि फरायसा आफादनि आफादगिरि मतिकान बर्मन, गहाइ नेहाथारि मानस दास, बोसोनिगिरि दिपक राय आरो भुमिधर दासमोनजो लोगोसे माखासे दैदेनगिरि-सोद्रोमाफोरा बाहागो लायो।

बासवारियाव 'बिरशा मुन्डा गेसहाउस'नि अन्थाइ खाम्फा गयसन्दो

बासबारिनि वर्ल्ड हेरिटेज साइट मानस माहारियारि पार्कनि गहाइ हाबग्रा गेटनि साखाथियाव थानाय जायगायाव बिरशा मुन्डा गेसहाउसखौ आदिबासि अन्साय आरो जौगाखां गौथुमनि लेडइ बुंथिगिरि सुभाष तिकीआ अन्थाइ खाम्फा गायसनाय अन्थाइ खाम्फा गायसनाय सुभाष तिकीआ सरकारि बिथान्थि, आदिबासि अन्साय आरो जौगाखां गौथुमनि 50 लाख रं बाहायनानै बिरशा मुन्डा गेसहाउसखौ लुनाय जागोन होना फोरमायदो। बिरशा मुन्डा गेसहाउसखौ मानस माहारियारि पार्कयाव फेनाय दावबायारिफोरनि थाखाय खावु गोनां जागोन होनायैबो बिथाड मख 'दो। अन्थाइ खाम्फा गयसनाय हाबाफारियाव आदिबासि अन्साय आरो जौगाखां गौथुमनि गहाइ नेहाथारि भास्कर दास, आदिबासि अन्साय आरो जौगाखां गौथुमनि बुंथिगिरि अशिम हासदाजो लोगोसे माखासे जर'खु सुबुंफोरा आलासि महरै बाहागो लाफेदो।

दावबायारि थियेटारनि बेकग्राउन्ड आरिमुगिरि दयाल कलिताया रुंसारि जाबाय

भबानिपुर, 6 नभेम्बर: सालबारि महकुमानि बरटारि गामिनि थागिरि, ओन्सोलनि दावबायारि थियेटारनि बेकग्राउन्डि आरिमुगिरि, जर'खा समाज सिबियारि, नाम किटननि पाटक दयाल कलिता (70) आ थानाय 4 नभेम्बरखालि हरनि 10:00 रिगासोयाव बरतारियाव थानाय न'आव हाइ ब्लाड प्रेसारजो मोगा-मोगि जानानै

अबथिरायै रुंसारि जाबाय। दयाल कलिताया दावबायारि थियेटार फारियै- नटराज, आबाहन, कहिनुर, इदानी, भाग्यदेवी, सुरदेवी, बिनापानी, गदापानी बायदिजो लोगोसे माखासे अन्जिमनि फावथिना हान्जानि मेकआप आरो गानाय जोमनायनि आरिमुगिरि महरै मिबन्थिजायोमोन। गासै 35 बोसोर नाडै बिथाड दावबायारि

थियेटार आरो दावबायारि फावथिना हान्जायाव बेकग्राउन्डि आरिमुगिरि महरै खामानि मावदोमोन। बरतारि ओन्सोलनि सासे समाज सिबियारि महरै गुबुन गुबुन समाजारि खामानि-दामानियाव दयाल कलिताया जोबथा दडमोन। रुंसारि जानाय समसिमाव दयाल कलिताया बरतारिनि जारिमिनारि रखाव

गसाइ थान सत्रनि पाठ महरैबो लोब्बा जानानै नाम किटननि सासे सिबियारिमोन। रुंसारि जानाय समाव बिसि, सानै जुलि जानाय फिसाज्लाजो लोगोसे माखासे अन्सायारिफोरखौ बे संसारनिफ्राय नागरलानाय आरिमुगिरि दयाल कलितानि अबथिरायै रुंसारि जानायाव बरतारि ओन्सोलनि राइजो-राजाफोरनि गेजेराव गोथीयै दुखुनि थासारि सोमजिदो।

तामुलपुरनि गागि समाज सिबियारि, आजिरा मोन्याय फोरोंगिरि नागेश्वर डेकाआ जोबथा हां बोबाय

तामुलपुर, 6 नभेम्बर: तामुलपुरनि गागि समाज सिबियारि, आजिरा मोन्याय फोरोंगिरि नागेश्वर डेकाया दिने फुंभिलि समाव 73 बोसोर बैसोयाव जोबथा हां बोबाय। तामुलपुर सारांबारि गामिनि थागिरि नगेश्वर डेकाया थानाय माखासे दान नाडैनिफ्राय केन्सार बेरामजो सन्देर जानानै दडमोन। दिने फुडव गागि समाज सिबियारिनि रुंसारि जानाय खौरांआ गोसारनाय लोमो-लोमो बिथानि

अन्सायगिरिफोर न'सिम फेनानै जोबथा मान बाउयो। बेनि उनावको बिथानि गोथै सह'खौ गंसे गारिजो बिथानि जोमोन गामिसिम लानाय जायो। बेयाव बिथाडा गायसनाय गवालबिल गुदि फरायसालि, जायगानि नामधर बायदियाव लाखिनानै अन्सायगिरिफोर जोबथा मान बाउनायनि उनाव फिन तामुलपुरनि सारांबारि गामिसिम लाबोनायै जोबथा बिदाय होनाय जायो।

आजिरा मोन्याय फोरोंगिरि आरो गागि समाज सिबियारिआ रुंसारि जानाय समसिमाव ओन्सोलनि गुबुन गुबुन आफाद फसंथानजो लोब्बा दडमोन। रुंसारि जानाय समाव बिथाडा आजिरा मोन्याय फोरोंगिरि बिसि, सानै फिसाज्ला-बिहामजो, फिसी, फिसाजो, बिजामादैजो लोगोसे माखासे अन्जिमनि नख'रारि आरो अन्सायगिरिफोरखौ बे संसारनिफ्राय नागरलाडो।

(1 बिलाइनिफ्राय)

आमेरिकानि 4 7 थि हादतगिरि महरै उनाल्ड ट्राम्पआ ...

बादायलायनाया कमला हेरिसजो जादोमोन। हादतगिरिनि बिसायख'थियाव ट्राम्पआ 50 जौखोन्देनिबो बांसिन भड मोनो हायो। ट्राम्पनि देरहानायनि खौरां मोन्यायनि उनावको भारतनि गहाइ मन्थि नरेन्द्र मदिआ बिथानिसिम गहाम हामब्लायथि जासिहरो।

हाथियारजो लोगोसे साब्रै ...

हमजानाय सुरां मैहुरिफोरनि न'आ पार्क साखाथिनि कासमारि सनारि गामियाव। मख 'नो गोनादि, मंगलबारखालि सानाव दरं पुलिसआ दलगावनि कासमारि सनारि गामियाव स्नोद सुलुनि बिथाय सिप्रोमनाय हाबाफारि लानानै गारिफोरखौ बोखंदो। फारसेथि आबुल हुसेनि सिमान जानायनि बिथाययाव दलगावनि कासमारि सनारि गामियाव गंसे फुखियाव फबनानै दोनाय थासारियाव हमनो मोन्याय हाथियारफोरखौ बोखंदो।

आसामनि राइज्यो बेंगिरिया राइजोयारि गायसनाय सान...

आचार्यआ राइज्यो गायसनाय साननि गोनांथिखौ नोजोर होनाय नोजोरिफोरखौ बे फालिथाइखौ फालिनो आरो गाव-गावनि राइज्योनि धोनि जारिमिन आरो हारिमुखौ गोजोनै लाखिनो खावलायो। बिथाड बे फालिथायाव राइज्योनि थामानखौ फोनंजावनायाव बिहोमा होनाय सुबुंफोरखौ मान बाउनाय जायो। राइज्यो बेंगिरिया सरदार बल्लभभाई पटेलनि मेंनो रोड रादाइखौबो मान बाउवो, जाय सशक्त भारतनि दाथायखौ गोखौ खालामनो थाखाय उदां राइज्योफोरखौ खौसे खालामदोमोन। आचार्यआ गहाइ मन्थि नरेन्द्र मदिनि 'मोनसे भारत, गेदेर भारत'नि नोजोरखौ गोमखांहोयो आरो बायदि रोखोमनि खौसेथिखौ बांहोनाय आरो गोखौ खालामनायनि सरकारनि थांखिखौ नोजोर होयो। दिनेनि फालिथायाव छतिमगड, पान्जाब, कर्नाटक, मध्य प्रदेश, तामिलनाडु, पुडुचेरि आरो चन्डिगडनि गायसनाय सानफोर दंमोन। 'बे हाबाफारिया जौनि सुबुंफोरनि गेजेराव गोसोआरि सोमोन्दोखौ गोखौ खालामो आरो भारतनि धोनि उनमोनथाइनि सांग्राथिखौ बांहोयो,' होनायै आचार्यआ बुडो। बे हाबाफारियाव आसामनि गिबि आइजो कुमुद देबि, एमपि बिजुलि कलिता मेथी, एडभ 'केट जेनेरेल देबजित शइकिया, गुवाहाटी नोगोर आफादनि मेयर मृगेन शरनिया, नोगोरारि रेखाथिनि डइरेक्टर जेनेरेल आरो नख 'रनि कमान्डेन्ट जेनेरेल हरमिन्त सिंह, गहाय बिसायख'थि मावख'गिरि अनुराग गयल, कमिसनार आरो राइज्यो बेंगिरिनि सेक्रेटारि एसएस मिनाक्षी सुन्दरमजो लोगोसे गोबां गुबुन गेदेमा सुबुंफोरा बाहागो लायो।

मुसलपुराव 1 0 8 साखिआवला गौथुमनि दैदेन्यायाव थै दान ...

बे गायसन्थि सानजो लोब्बा लानानै आसामनि दाब दाब जिल्लाफोरजो लोगोसे बाक्सनि सदर मुसलपुरावको हख्खाव सिबिथाइ मृत्युन्जय 108 नि गयसन्थि सानखौ फालिनायखौ नुनो मोनो। बे गयसन्थि सानाव हख्खाव मृत्युन्जय 108 आव साखि साखि सुबुंफोरा ड. रबि बर' सिभिल देहा फाहामसालियाव बेसेन लाया जासे थै दान होनाय बादा खुंनया जादो। थै दान होनाय बादायाव 108 आव सिबिथाइ होग्रा एबा साखि मावग्राफोरजो लोगोसे गुबुन सा 10 निबो बारा सुबुंफोरा गावनि थैखौ दान होनाय जायो। थारैनो बिथामोननि सिबिथाइ आरो बेसेन लाया जासे थै दान होनाय हाबाफारिखौ सरासनस्त्रा सुबुं आरो सानसुमै सुबुंफोरनि गेजेराव मोजां सावराय जानायखौ नुनो मोनो।

फैगौ 1 3 नभेम्बरारव राइज्योनि दर 5 बिधान सभा बियावआव..

मख 'नो गोनादि, धलाइ, सिदली, चामगुरि, बिहाली आरो बडइगाव बिधान सभा बियाव ओन्सोलयाव जायगायारि बन्द' फोसावबाय। आसाम सरकारनि सरासनस्त्रा खुंथाय बिफानआ बे बिथोनमाखौ फोसावना होबाय। फैगौ 13 नभेम्बरखालि सानाव दर 5 बियावआव गासैबो सरकारि-सरकारि नडै गासै आफाद, मावखुलि, सोलौंथाय फसंथानफोरा बन्द' थागोन।

आनन्द बाजारनि गड़आलि भलानाथ शिब मन्दिरआव सिखाव खावनाय जाथाय

भबानिपुर, 6 नभेम्बर: बाक्सा जिल्लानि सालबारि महकुमानि सिडव थानाय आनन्द बाजारनि जारिमिनारि गड़आरि भलानाथ शिब मन्दिराव तांनाय हराव मोनसे सिखाव खावनाय जाथाय सोमजिनाया ओन्सोलनि राइजो-राजाफोरनि गेजेराव गोखौ फिनजाथाय सोमजिहोयो।

मख 'नो गोनादि, थानाय हर गेजेराव सिखाव शिब मन्दिरनि दान पात्रनि थासा बुफायनानै दानपात्रयाव थानाय नोगोद रंफोरखौ खावना लाडो। मुलुगनां जारिमिनारि थावनि मानास माहारियारि हाग्रामासिम थानाय गहाइ लामानि खाथियाव थानाय जारिमिनारि गड़आलि भलानाथ शिब मन्दिरआव गुबुन गुबुन जायगानि सिबियारि आरो राइजो-राजाफोरा दानपात्रयाव नोगोद रं दान होनायै सिबियो। थानाय से सब्बाहनि रंफोर दानपात्रआव ज'मा दंमोन। शिब मन्दिराव गायसनाय सिसि केमेरयाव सिखाव खावनाय जाथाय सेबखां जादोब्लाबो मोकाडाव मास्क गान्नाय सिखावखौ नागिरनानै दिहुनो हायाखै। गड़आलि भलानाथ शिब मन्दिराव सोमजिनाय बे सिखाव खावनाय जाथायनि हेंथायै मन्दिर सामब्लाय आफादनिफ्राय आनन्द बाजार पुलिस थानायाव गांसे एजाहार थिसन्नाय जादयो। मख 'नो गोनादि, गड़आलि भलानाथ शिब मन्दिराव बेनि सिगांबो सिखाव खावनाय जाथाय सोमजिदोमोन।

(1 बिलाइनिफ्राय)

कक्राझार फाहामथाय फरायसालिमा आरो फाहामसालियाव गिबि पस्टमार्टेनि गोथै सह' ...

देहा सोलोरेखौ पस्टमार्टेन आन्जादनि थाखाय कक्राझार फाहामथाय फरायसालिमा आरो फाहामसालिनो दान होनाय जायो। मख 'नो गोनादि, इलरा बिगियान आफादनि बान्जायनायाव आरो कक्राझार फाहामथाय फरायसालिमा आरो फाहामसालि बिफाननि हेफाजाबाव दिने सान्जौफुयाव नख 'रनि सुबुंफोरनि नुजाथिनायाव बिथानि पस्टमार्टेनि थाखाय सह'खौ दान होनाय खामानिखौ खुंनया जायो। मख 'नो गोनादि, कक्राझार फाहामथाय फरायसालिमायाव तुषार कान्ति दासआ जाबाय गिबि पस्टमार्टेनि गोथै सह'खौ दान होनाय सुबुं। बडइगाव सुभाष रडनि थागिरि तुषार कान्ति दासआ बडइगावनि समाज जिडयाव बयजोबो सिनायथि जायोमोन। बिथाड रुंसारि जानायनि सिगाडव भारत सेवा आसमजो लोब्बा दडमोन, लोगोसेनो दुर्गा फुजा आफादनि बिबानावको दडमोन। बडइगाव रेलवे फरायसालिनिफ्राय सोलौंथाय लाजेनानै शिलनि एन्टनि कलेजनिफ्राय डिग्री लानानै इयुन समाव बिथाड बडइगावआव फालांगिरि महरै खामानि मावदोमोन। बि समाज सिबियारि सुबुनि रुंसारि जानायाव बडइगाव सोहोराव दुखुनि थासारि सोमजिदो। मख 'नो गोनादि, बिथाड रुंसारि जानाय समाव बिसि आरो सासे फिसाज्लाखौ बे संसारनिफ्राय नागरलाडो। बिथानि रुंसारि जानायाव दुखु फोरमायनानै इलरा बिगियान आफादनि बडइगाव दालाइआ दुखुजो मोगा-मोगि जानाय नख 'रनिमिम दुखु फोरमायदो।

चिदलीयाव उफ्रा बिसायख'थिनि थाखाय गिबि मन्थि हिमन्त बिश्व शर्माआ फोसावदिदो

बेंतलआव दिने इडिपिपिएल दोलोनि बिजाथि निर्मल कुमार ब्रह्मनि हेफाजाबाव बिसायख'थिनि फोसावदिनायाव गिबि मन्थि ७ हिमन्त बिश्व शर्माआ बाहागो लायो। गिबि मन्थि ७ शर्माआ दिने चिदली उफ्रा बिसायख'थिनि फोसावदिनानै जुथाय हान्जा इडिपिपिएल दोलोनि बिजाथि निर्मल कुमार ब्रह्मआ बे खेबाव थानायनिखुइ बांसिन भटजो देरहागोन होनायै दाबि खालामो। मानोना चिदलीनि सिगांनि एमएएए जयन्त कुमार बसुमतारिखौ चिदलीनि राइजो-राजाफोरा एमपि महरै दैथायहरदोमोन। बेनिखायनो बे खेबाव इडिपिपिएलनि बिजाथि निर्मल कुमार ब्रह्मआबो गोबां भट मोनानै चिदलीनिफ्राय एमएए महरै देरहागोन होनायै बिथाड दाबि खालामो। चिदलीनि उफ्रा बिसायख'थिनि गासैबो रणखान्थियारि दोलोनिमिम गिबि मन्थिआ गहाम हामब्लायथि जासिहरनानै बुडोदि, 'बयबो जुदि जेनगोन होनायै सानो बिसायख'थि गेलेनो नाड। बयबो देरहागोन होनायैसो बिसायख'थि गेलेनो नांगोन। नहाब्ला बिसायख'थियावो जानाय नड। फुटबल गेलेमुयाव मोनानै दोलोया देरहागोन होनायै गेलेयाब्ला अब्ला जेबो बादायलायनायनो जानाय नड। बेनिखायनो बिसायख'थिनि फिथाइ सान्नायनि सिगांसिम गासैबो दोलोया गावसोरखौ देरहागोन होना सानो। बिटिसियाव बिजेपिनि सायाव बयनिबो बोर दं। जेनाया जादो, सोर मोजाडै सरकार कालायगोन। सोरनि खुंथाय समाव बिटिसियाव मोजां खामानि जादो। सोरनि समाव गेना-खाथियाव बाडइ जादो। सोरनि समाव मिर, राइज्यो सरकारनि बिथान्थिनि खामानिफोरा राइजो-राजाफोरनि थाखाय मोजां जादो, सोरनि समाव बमा बेरफुनाय, गुलि-बारदफोरा गैया जादो, सोरनि समाव गोजोन, जौगानाय आरो रेखाथिया फैफिन्टो। राइजो-राजाफोरा बेखौ नायबिजिनगोन। गिबि मन्थि महरै गिदिर जाफुंसारनाया जाबाय बिटिसियाव आबुं गोजोन थासारि पैफिन्नाय। सोर गिबि मन्थिआ सिगां समाव कक्राझार, बासागावआव दुर्गा फुजायाव फेनायनि खोथा सानो हायो। आं जेब्लायबो थैजो सुनाय मानसिनि देहा नायनो फेदोमोन नाथाय दानिया फुजा नायनो बिटिसियाव फेनाय थासारि फेदो। बेयो मोनसे गिदिर सोलायनाय।' गिबि मन्थिआ उफ्रा बिसायख'थिखौ लानानै चिदली, बडइगाव आरो धलाइयाव फोसावदिनाय हाबाफारि लानानै मोनथाम बिबाबानो एनडिएआ गोबां फारागथिजो देरहागोन होनायै दाबि खालामो। लोगोसे गाबोन बृहस्पतिवारखालि सामगुरि आरो बिहालियाव बिसायख'थिनि फोसावदिनाय हाबाफारियाव बाहागो लागोन होनायै बुडो। दिने चिदलीनि उफ्रा बिसायख'थिनि फोसावदिनायाव गिबि मन्थिजो लोगोसे मन्थि उखीव गोरा ब्रह्म, अशक सिंहल, नन्दिता गाल'सा, जगेन महन, बिटिसिया गहाइ मावफुं सोद्रोमा प्रमद बर', एमपि रोनगोरा नार्जरी, जयन्त बसुमतारि, एमएएए लरेन्स इस्लरी आरो इडिपिपिएल, बिजेपिनि मावफुं सोद्रोमाफोराबो बाहागो लायो।

पुलिस खुंथाइआ होबथादो, बिजेपि सरकारनि ...

सुरनायखौ होबथानायाव खुद्रिखानानै आक्रासुनि मिरु नेहाथारि कपिल देव सिंआ खौरं बिजोनि सिगाडव गहाइ मन्थि नरेन्द्र मदि, आसामनि गिबि मन्थि ७ हिमन्त बिश्व शर्माजो लोगोसे बिजेपि सरकारनि हेंथायै खुद्रिखानानै बायदि रोखोमनि सांखारिनाय बिबुंथि लाखियो। आक्रासुनि दैदेनगिरि कपिल देव सिंआ सरकारनि हेंथायै बुंदोदि, गिबि मन्थि ७ हिमन्त बिश्व शर्माआ कच राजबंसिनि कमतापुर राइज्यो आरो जनजाति जानायनि सोमावसारनायखौ फोजोबनो थाखाय खैसार सागासिनो दड। कच राजबंसिनि गोबाव साननि दाबि आरो सोमावसारनायखौ नासयगासिनो दड गहाइ मन्थि नरेन्द्र मदि आरो ७ हिमन्त बिश्व शर्माआ। 2014 माइथायाव मिरुयाव बिजेपि सरकार दानायनि सिगाडव नरेन्द्र मदिआ बडइगावनि काखैजानयाव बिजेपिनि जानानै बिसायख'थि फोसावदिनाय मेलयाव बुंदोमोनदि, बिजेपि सरकार दाजानायनि 6 दान उनावको कच राजबंसिनो जनजातिनि मान होनाय जागोन। आलादा कमतापुर राइज्योनि जेनाखौ राजखाथि महरै सुखानाय जागोन। नाथाय नरेन्द्र मदिआ बे खेबजो खेबथाम गहाइ मन्थि मासियाव थानायनि उनावको कच राजबंसिनि जेनाखौ सुखानायाव मोगथाडरि थांखि आजावाजासे कच राजबंसिफोरखौ जानगाराव लाखिगासिनो दड। फारसेथि गिबि मन्थि हिमन्त बिश्व शर्माआ कच राजबंसिनि सोमावसारनायखौ आरो दाबिखौ फोजोबनो थाखायसो खैसार सागासिनो दड। काच राजबंसिनि गुबै मोन्थायनि दाबियाव बिजेपि सरकारनि हेंथायै सोमावसारनायखौ गोखौ खालामनायनि हुमखि होनायै कपिल देव सिंआ बुंदोदि, बिजेपिआ आसामयाव सोद्रोमा थिसन्थाय हाबाफारि लानायनि अनगायैबो जायफोर कच राजबंसिआ बिजेपिनि सोद्रोमा जादो, बिसोर बिजेपिनि सोद्रोमाखौ दानख'नायनि हाबाफारि लानाय जागोन होनायैबो फोसावना होयो। मख 'नो गोनादि, आक्रासुआ दिने निमुवायाव गोबाव साम नाडै सरकार आरो बिजेपि बेरेखा स्ल 'गान होनायजो गोखौ हेंथा सोमावसारनाय हाबाफारि खुंदो।

गाहाम देहानि राहा

बादामआ गोजां बोथोराव सावस्त्रिनि थाखाय मुलाम्फा गोनां


बादामआव गोबां निउट्टियेन्टफोर थायो, जाय जॉनि देहानि थाखाय जोबोद गोनांथार जायो। गोजां बोथोराव बादामखौ गुर एबा गजक महरैबो गलायना जायो। बे बाडाइ बेसेननि गोरान फि थाइयाव आयरन, केल्सियम, भिटामिन-इ आरो जिंक बायदि गोबां गोनांथार गुदि मुवाफोर मोनाय जायो, जाय जॉनखौ सावस्त्रि गोनां लाखिनायाव गोबां हेफाजाव होयो। बादामआव गोबां निउट्टियेन्टफोर जेरे- प्रटीन, अमेगा -3 आरो अमेगा -6 फेटी एसिड, फाइबर, भिटामिन (इ, बि कम्प्लेक्स), खनिजफोर (कपार, फलेट, फसफरास, मेगनिज) थायो। बेयो गासे सावस्त्रि पेकेज जाय देहाखौ गोनांथार फुस्टि गोनां आदार होयो। मख 'जाथावदि, 250 ग्राम बादामआ जॉनो 250 ग्राम बेदरनिखुड बांसिन भिटामिन आरो निउट्टियेन्टफोर होयो। बादामखौ सुपारफुड बुनाय जायो मानोना बेफोरो सावस्त्रिनि थाखाय जोबोद मुलाम्फा गोनां। जर 'खायै, डायबेटिस बेरामिफोरनि थाखाय बादाम जानाया जोबोद मुलाम्फा गोनां। बेनि गाहाइ ग्लाइसेमिक इन्डेक्सआ ब्लाड सुगारनि



थाखोखौ हरखाबै बांनयनिफ्राय होबथायो। बेनि अनगायैबो, बादामआव थानाय मेगनिजआ डाइबेटिसजो सोमोन्दो थानाय गोबां जेनाफोरखौ बाडाइ खालामनायाव मदद होयो। बादामआव एन्टीअक्सिडेन्ट आरो निउट्टियेन्टफोर थायो, जाय बिखानि सावस्त्रिखौ मोजाडै लाखिनायाव मदद खालामो आरो स्ट्रकनि खैफोदखौबो बाडाइ खालामो। बादामआ खालि गोथावल' नख नाथाय बेफोरो गोबां निउट्टियेन्टफोरजॉबो बुंफनय, जाय जॉनि सावस्त्रिनि थाखाय जोबोद मुलाम्फा गोनांथार। बेयाव थानाय ट्रिप्टोफान मुनि मोनसे कम्पाउन्डआ जिंसासिनाय आरो मुडनि सोलायनायखौ बाडाइ खालामनायाव मदद होयो आरो गोसो बायनायजो जुजिनायावबो हेफाजाव होयो। 1100 ग्राम बादामाव फ्राय 25.8 ग्राम प्रटीन

रणबिर कापुरनि रामायण सावथुनखौ लानानै मोनसे गोदान आपडेड नुजाथिदों

रणबिर कापुरनि आवेडेड सावथुन 'रामायण' खौ लानानै मोनसे गिदिर आपडेड सोरां आव फेदों। बेनि एनाउन्समेन्टनि उनिफ्रायनो अन्साइगिरिफोरा लांश्रियै बे सावथुनखौ नेनानै दडमोन। आधिखालाव डायरेक्टर नितेश तिवारीआ बेनि गिबि पस्टरखौ रिभिल खालामदों। सावथुनआ मोनै खोन्दोआव रिलिज जागोन। रणबिर कापुरआ गोबाव समनिफ्रायनो बे सावथुननि सुटिखौ खालामगासिनो दंमोन। गोबां खेब सेटनिफ्राय बिथानि सावगारिफोरा भाइरेल जादोंमोन। सावथुनाव बिथोखौ भावान रमनि फावआव नुनो मोनगोन। फारसेथि रश्मिका मन्डानाखौ बिमा सितानि फावआव नुनो मोनगोन। अदेबानि दा मेकासफोर रिलिज डेटनि एनाउन्समेन्ट खालामबाय। सावथुना मोनै खोन्दोआव रिलिज जागोन। गिबि खोन्दोआ 2026 माइथायनि दिवालीआव आरो नैथि खोन्दोआ 2027 माइथायनि दिवालीआव रिलिज जागोन। बेनि सोमोन्दै शेरार खालामनानै नमित मल्हत्राय के फ्यानआव लिरोदि, 'जि बोसोरनिफ्राय बांसिन समनि सिगां, आं बे महाकाव्यखौ गिदिर पदांआव लाबोबो नोजादोंमोन आरो दिनें आं बेखौ



समायनानै दिन्थिफु'नो नागिरनायखौ नुनानै जोबोद गोजोनाय मोन्दों। जॉनि टिमफोर मोनसे थांखिजों लोगोसेनो खस्थ' खालामगासिनो दड। बेनि 'रामायण' सावथुनखौ लाबोनायनि थांखियानो जादों थारैनो सेंथो, गोथार आरो गोमोथावना महरै मुलुगनाडैनो सुबुंफोरनि सिगांआव लाबोनाय। नमित मल्हत्राखौ भिजुएल स्टिर टेलार दिहुनायनि हिसाबै

मिबथिनाय जायो। प्राइम फकाश स्टुडियनि भिजनरी लिडारनि हिसाबै नमित मल्हत्राआ हलिउडनि माखासे गिदिर प्रजेक्टफोरखुव खामानि मावदोंमोन। केजिएफनि स्टार यशआ माखासे सम सिगांनो कनफार्म खालामदोंमोनदि, बिथांआ सावथुनाव राबगनि फाव खालामगोन। बेनि अनगायैबो यशआ बेनि क-प्रडिउसारबो। रणबिर कापुर आरो साइ पल्लविनि अनगायै सावथुनाव केकेयिनि फावआव लार दत्त, हनुमाननि फावआव सानि देअल आरो मन्थरानि फावआव शिवा चड्डाखौ नुनो मोनगोन।

फावखुंग्रि रकुलप्रिटा गावनि देहाखौ लानानै जोबोद सांग्राडै थायो

बलिउडनि फावखुंग्रि रकुलप्रिटा सिंआ गावनि देहाखौ लानानै जोबोद सांग्राडै थायो। बिथाड जेब्लायबो सुबुंफोरखौ गाव-गावनि देहाखौ जोथोन लानो थाखायबो मटिभेट खालामबाय थायो। बेनि अनगायैबो बिथाड आबहावाखौ रैखा खालामनो थाखायबो सुबुंफोरखौ सांग्रां खालामबाय थायो। नाथाय दा गावनि मोनसे गोजाम इन्टरभिउनि जाहोनाव फावखुंग्रिखौ जेनाजों बेंखन जानाय नुनो मोनदों। बे इन्टरभिउआव रकुलआ मिबथि होदोंमोनदि, बिथाडा दिवालीआव मानो पटका सावआ। बबेखानि रकुलनि जाय इन्टरभिउआव भाइरेल जागासिनो दड बेव बिथाड बुंदोंमोनदि, बेयो मोनसे गोसोआव थाथाव दिवालीमोन। आंनि बिफाया आंनो 500 रॉनि



नट होनानै आंखौ पटका साववो थाखाय बुंदोंमोन। आं गोमोदोंमोन आरो आं बिथांखौ सॉलु खालामदोंमोन जे मानो बिथाडा आंखौ बे बायदि 'खालामनो थिन्दों। अब्ला बिथाडा आंखौ बुजायोदि, नोंबोध' बेखौनो खालाम गासिनो दड। पटका बायनानै बेखौ सावनाया बेबायदिनो जादोंना। बेनिखुड साबसिन नों बे रंजों माखासे चकलेटफोर

नटखौ सावदोंमोन। बे समनिफ्रायनो आं रकुलप्रिटा नि सावथुनफोरनि टिके ट लानायखौ नागारदों। नैथि इउजारआ लिरोदि, बिथाडा बेसेन गोसा डुंस गान्नानै गोनांथि सुबुंफोरनो मानो दान होयो। थामथि इउजारआ बुडेदि, बिथाडा चिकेन जानाय साव नटखौबो जाफायो नामा? अदेबानि आरोबाव सासे इउजारआ लिरोदि, इसोरनिसिम साबायख'र आंनि बिमा-बिफाया बिबदि नडामोन। रकुलप्रिटा सिंखौ 'यारियां' सावथुनआव गावनि रोंगथि एक्टिजों फाव खालामनायनि थाखाय मिबथिनो मोनो। बेनि अनगायैबो बिथांखौ बावैसो सिगां कमल हासनजों लोगोसे 'इन्डियान 2' सावथुनआवबो नुनो मोन्दोंमोन।

'देभरा पार्ट-1' सावथुनआ अटिटिआव रिलिज जानो थाखाय साखा-फारा



जुनियर एनटिआर आरो जाहनवि कापुरनि सावथुन 'देभरा: पार्ट-1' आ 27 सेप्टेम्बरआव सिनेमाहलफोरार रिलिज जादोंमोन। कशटला शिवानीनि बिथोन होनायाव दिहुनजानाय एक्सन-थ्रिलर सावथुनआ सुबुंफोरनिफ्राय

सरसनखा रिस्पन्स मोन्दोंमोन। सावथुनखौ बक्स अफिसआव मिजिथिनाय बायदिथै दिन्थिफुनो हायाखे। बे सावथुननि गेजेरजों जाहनवि कापुरआ तेलेगुआव डेब्यु खालामदोंमोन। अदेबानि आधिखालाव जुनियर एनटिआरनि अन्साइगिरिफोरनि थाखाय आरोबाव मोनसे गोजोन्थाव खौरां। दान मोनसेनिफ्रायबो गोबाव समसिमनि उनाव देभरा पार्ट 1 आ अटिटिआव रिलिज जानो थाखाय थियारि जाबाय। बे खौरांखौ सशेल मिडियाआव फोसावनाय जादोंमोन। 5

नभेम्बरखालि नेटफिलिक्स इन्डियाआ गावसिनि अफिसिएल इन्स्टाग्राम हेन्डेलआव सावथुननि पस्टरखौ शेरार खालामदों आरो फोरमायोदि, सावथुनआ 8 नभेम्बरखालि प्लेटफर्म आर रिलिज जागोन। प्लेटफर्मआ बेखौ शेरार खालामनायनि गेजेरजों केप्सेनआव लिरोदि, बे समआनो जादों गिनायनि सायाव आगान होनायनि सम। 8 नभेम्बरखालि नेटफिलिक्सआव देभरा सावथुनखौ नाय। मुजिथावना बाश्रया बेनोदि, सावथुनआ डिजिटेल क्षेत्रआव सिगांसिन तामिल, तेलेगु मलायालम आरो कन्डु रावफोरार रिलिज जागोन। देभरा पार्ट 1 नि हिन्दी भाजनि रिलिजखौ दासिमबो फोसावाखे। फार्स'थि अन्साइगिरिफोरबो बे खौरांखौ नुनानै माबेरै सिरि थानोमोन। अन्साइगिरिफोरा थाबैनो बेनि सायाव गावसिनि रिएक्सन हरनायखौ जागायो। सासे युजारआ लिरो, वाह नेनानै थागोन। गुबुन सासेआ कमेन्ट खालामोदि, देभरा मुनि बाहुंखा फे गासिनो दड। गाहाइ फावगिरिफोरनि अनगायै देभरा सावथुनआव सेफ आलि खानआ कलनायक भैरानि फाव दिन्थिदोंमोन। सावथुनआव शाइन टम चाक, प्रकास राज, श्रीकान्त आरो अजयआबो गाहाइ फाव दिन्थिदोंमोन।

फावखुंग्रि आकान्शा रन्जन कापुरआ आमेरिका हादतनि इलेक्सनआव भट होदों



हिन्दी सावथुनआव माखासे फावखुंग्रि आरो फावखुंग्रिफोर दड, जायहा भारतनि नोगोरारनि फोरमान गैया आरो बिथांमोनहा भारतआव जानो गोनां इलेक्सनफोरार भट होनो हाया। बेफोरखौ लानानै बिथांमोनहा जेब्लोबो बिसायख'थिनि समाव ट्रिलिजोंबो मोगा-मोगि जानाडे। नाथाय ससेल मिडियाआव आधिखालाव बे बायदिनो सासे फावखुंग्रिआ गोसार गासिनो दड। बिथाड भारतनिनो नोगोरारि नाथाय बावैसो सिगां बिथांआ आमेरिका हादतनि

बिसायख'थिनि थाखाय भटि खालामदों आरो जैरेनो बे खौरांआ सोराडाव फेदों बेनि उनावनो इन्टरनेटआव दोहो सोमजिदों। मानोना बिथांनि बांसिन अन्साइगिरिफोरारनो बेखौ मिबथियाखेमोन जे बिथांआ सासे भारतआरि नडा नाथाय आमेरिका निनो गोरारिसो। बेवहाय जों जाय फावखुंग्रिनि सोमोन्दै बाश्रा सावरायगासिनो दडबिनि मुंआनो जादों आकान्शा रन्जन कापुर आरो बिथांआ 31 बोसोर बैसोनि। बावैसो सिगां फावखुंग्रिआ आमेरिका हादतनि बिसायख'थियाव गावनि बेसेन

सिगां मुम्बाइआव थानानै खामानि मावबाय थानाय फावखुंग्रि आकान्शा रन्जन कापुरआ गावनि फल'आसफोरखौ गोमो होनानै इनस्टाग्रामआव मिबथि होयोदि, बिथांआ आमेरिका हादतनि बिसायख'थिआव भट होदों। बिथांआ गावनि इनस्टाग्राम स्ट'रिआव मोनसे सावगारि शेरार खालामदों आरो बे सावगारियाव बिथांखौ भट होनायनि बेज गान्नाय नुनो मोन्दों। स्ट'रिआव मोनसे कमला हेरिसनि स्टीकारबो दंमोन आरो बेव रोखा जायोदि, बिथांआ डेमक्रेट पाटिनो भट होदों। बिथांनि वार्कफ्रन्टनि बाश्रा सावरायोब्ला, बिथांआ फावखुंग्रि आरो डायरेक्टर राशि रन्जन आरो आंगो बिसि अनु रन्जननि फिसाजो। बिथांनि जोनोमा मुम्बाइआव जादोंमोन आरो बिथांआ जमुनाबाइ नारसिं स्कुलनिफ्राय सोलोंथाइ लादोंमोन। आकान्शाआ 2020 माइथायाव नेटफिलिक्सनि सावथुन 'गुल्टि'निफ्राय गावनि एक्टिनि केरियाखौ जागायदोंमोन।

सलमान खाननि भिडिअया टाइट सिकिउरिटिनि गेजेरावनो लिक जादों

लरेन्स बिश्नइनिफ्राय गोबां हुमखि मोनायनि जाउनावबो सुपारस्टार सलमान खानआ जेबो टेनसन लायालासे सुटि खालामगासिनो दड। हाइड्राबादआव बिथांआ गावनि फैनो गोनां सावथुन 'सिकन्दर'नि सुटि खालामगासिनो दड आरो बेनि माखासे सावगारिफोर आरो भिडिअया सशेल मिडियाआव भाइरेल जागासिनो दड। सेटनिफ्राय जाय सावगारिफोर लिक जादों बेवहाय बिथांनि क-स्टार रश्मीका मन्डानाखौबो बिथांजों लोगोसे नुनो मोन्दों। सलमान खानआ हाइड्राबादनि मुंदांखा फलकनुमा पेलेसआव शुटि खालामगासिनो दड। मोनसे सावगारियाव सेटनि खाथियाव गंसे रल्स रयस लाखिनानै दडमोन, जानो हागौ बेखौ शुटिआव बाहायगोन। बेनि सिगांआव केनन दोनाय दंमोन आरो बेखौ नुनानै हमदंनो हायोदि, माखासे एक्सन सिक्वेन्सनि सिन जानो हागौ। गुबुन मोनसे भिडिअया केमेरानि उनि जेराव रश्मिकाखौ सावथुनाव



मोनसे सिरियास सिननि शुटि खालामनाय नुनो मोनो हागौ। सावथुननि सोमोन्दै गोबां खौरां मोनाय जायाखे नाथाय सुलुनि बायदिब्ला बेयो मोनसे एक्सन ट्रिलार सावथुन जागोन। सलमान खानआ गावनि पार्सनेल कमिटेमेन्टनि जाहोननि थाखाय टाइट सिकिउरिटिनि गेजेराव शुटि खालामगासिनो दड। मंगलबारखालि सलमान खाननो लरेन्स बिश्नइनि फंबाय बुनानै लानाय सासे सुबुंआ फिन खनसेबाव हुमखि होनाय मेसेज हरदों। मुम्बाइ पुलिसआ कन्ट्रल रुमनो हरनाय खौरांआव हुमखि होया सुबुंखौ उनाव भिक्रम मुडै सिनायथिनाय जायो। बबेखानि, उनाव भिक्रमखौ पुलिसआ कनॉटकनिफ्राय ट्रेक खालामनानै ग्रेप्टार खालामनो हायो। मुम्बाइ पुलिसआ दा बिश्नइ गुपनिफ्राय बेनि सोमोन्दै नायबिजिरगासिनो दड।

सानराइस एथलेटिक्स क्लबआ नबज्यति क्लबखौ फेजेन्दो

गुवाहाटी, 6 नभेम्बर: गुवाहाटी नोगोरामनि नेहरु स्टेडियमआव बादायलायनाय जिएसए ए डिभिजन फुटबल लीगआव सानराइस एथलेटिक्स क्लबआ नबज्यति क्लबखौ 3-2 गलआव फेजेन्दो। बे मेचआव मोननैबो हान्जाया जागायजेनायनफ्रायनो गोखो सेलेन्ज होज्जायदो। अब्लाबो सानराइसनि हान्जाआ जर'खा



मोनसे खाबुजो बांसिन गल पइन्टिन फारिलाइआव सोनानै आबु पइन्ट आर्जिदो आरो जौसिनथारआव सौहेनो हादो।

बे मेचआव सानराइसआ गोबां मुलाम्फा मोन्दो। जेराव बे देरहानायजो नैथि थावनिनफ्राय आवगायनानै गिबि थावनिआव सौहेदो। बे मेचआव नबज्यतिनि हान्जाआ गिबि हाफआव देरहानाय हान्जाखौ 1-0 स्करआव दबथायदोब्लाबो नैथि हाफआव आरोबाव बे स्करिखो फाननै खालामदो। जेराव बे गरनैबो गलखौ हान्जानि जानानै

पुदाम प्रजाआ सोदो। गुबुन फार्से 0-2 स्करआव उन जानाय सानराइसआ नैथि गलनि उनव आवगायफिनो आरो बेनि उनव लान्थ्रयै दबथायनानै 12 मिनिटनि गेजेरवनो गरथाम गल सोनानै मेचनि दिगखौ सोलायफिन्दो। बे मेचआव क्लिभन्ट हामरआ गेम सेन्जारनि फोरमान जादो। जायनि जाउनाव बिथाडा हान्जा आरो अन्सायगिरिफोरनि गोसोखौ गावनिथिं लाखिदो। देरहानाय हान्जानि जानानै नेल्सन रिम्बाइआ 65 मिनिटआव गरसे गलजो हान्जाखौ आवगायहोनायनि उनव रहित तायगमआ 68 मिनिटआव गल सोनानयनि उनव 77 मिनिटआव वाजिद आली देरहानाय एवा थामथि गल सोयो। सानराइसनि बे देरहानाय हान्जाखौ खेब 5 मेचआव 13 पइन्टजो जौसिनआव लाबोदो। बे खेबआव डाइनाम' क्लबआ गुवाहाटी टाउन क्लबजो सेलेन्जआव ओंखारगोन।

भारतनि बक्सर मन्दिप जांगराआ डब्लिउबिएफनि बिमुं देरहादो

गोदान दिल्ली, 6 नभेम्बर:

भारतनि प्रफेसनेल बक्सर मन्दिप जांगराआ केमेन आइलेन्डआव ब्रिटेननि कनार मेकिन्सखौ फेजेनानै वर्ल्ड बक्सिं फेडरेशननि सुपार फेडरवेट वर्ल्डनि बिमुं देरहादो। बारग' अलिम्पिक सिलभार मेडेलिस्ट स्य जन्स जुनियरजो सोल्लोथाय लानाय 31 बोसोर बैसोनि जांगराआ गावनि प्रफेसनेल के रियारआव दासिमआव खेबसेल' जेन्नायजो मोगा-मोगि जानादो। बे इभेन्टआव बिथाडा ब्रिटेननि बक्सरनि हेंथायै बांसिन राउन्डआवनो गावनि गोखो पान्निंजो दबथायदो। बिथाडा जागायजेनायनफ्रायनो गोखो पान्निंजो खालामनायखौ लाखिनानै गासै 10 यउन्डसिमआव फारियै दबथायदो। गुबुन फार्से ब्रिटेननि बक्सरआ बे समाव गावखौ डिफेन्सनि थाखाय गोब्राबै जुजिनादो। कनारआ बे समाव



आवगायफिनो नाजादोब्लाबो जांगरानि गोखो पान्निंजो आ बिथाखौ जेनायाव खेखेदो। मेचनि उनव जांगराआ बे देरहानायखौ गावनि केरियारनि गिदिर देरहानायनि गेजेराव मोनसे फोरमायनानै बेबादि देरहानो थाखायनो थानाय बोसोरसिम गावनि गोब्राब नाजाबोनायखौ फोरमायो आरो हादरनि मुंखो हारिमामयारि थाखोआव मुदांखा खालामनो हानायखौ गोग्गानाय फोरमायदो। हारियानानि जांगराआ 2021 आव प्रफेसनेल बक्सिंआव आगान होजेन्दो। बिथाडा बे समनिफ्रायनो बक्सिंनि फोथारआव गावनि पान्निंजो बेरेखा गेलेगिरिफोरखौ दबथायबोदो आरो गोबानिनो थुलुं गानि फुंखा जादो। दासिमआव गावनि प्रफेसनेल केरियारआव बिथाड खेब 12 मेचआव खेब 11 आव देरहादो। जायनि गेजेराव बिथाड खेब 7 नकआउटआव देरहादो। 2014 नि कमनवेल्थ गेम्सआवबो बिथाड एमाच्युर बक्सिं महेरि सिलभार मेडेल देरहानो हादो।

गुप्ता मेम 'रिएल टुर्नामेन्टनि थाखाय नर्थ-इस्ट एफसिआ थियारिनि केम्पेनखौ जागायबाय

गुवाहाटी, 6 नभेम्बर: नर्थ-इस्ट इनाइटेड एफसिआ सिलचरआव केप्तेन नलीनि महन गुप्ता (एनएम गुप्ता) मेम 'रिएल इन्भाइटेसनेल फुटबल टुर्नामेन्टनि थाखाय गावसोरनि थियारियारि केम्पेनखौ जागायजेनबाय। लाइमोन हाइलेन्डरफोरखौ मनिपुरनि लेन्डरुल एफसि आरो एफसि खंडाजो गुप-एआव दोन्याय जादो। नर्थ-इस्ट एफसिनि हान्जाआ गावसोरनि बेखेवजेनाय मेचखौ डिएसए फोथारआव एफसि खंडाइन हेंथायै जागायबाय। जेराव बे हान्जाआ नैथि मेचआव लेन्डरुल एफसिनि हेंथायै 8 नभेम्बरखालि बे थावनिआवनो ओंखारगोन। गुप-बि हान्जाफोरनि फारिआव महम्मदन एससि, मिजरामनि आइजल एफसि आरो मनिपुरनि



सेनापति एफसिनि मोननै टेबल टपारफोरा फेगौ 11 नभेम्बरखालि फाइनालआव ओंखारगोन। एनएम गुप्ता टूफीआ आसामआव खुंजानाय मोनसे मुदांखा टुर्नामेन्टफोरनि गेजेराव जायगा मोनो। जेराव क्लब थाखोनि बे इभेन्टआव ओन्सोलारि गेलेगिरिफोरा गावसोरनि आवगायनो हानाय खाबुखौ मोनजेनो। मानोना

बेयाव देरहायोब्ला एबा मोजाडै दिन्थिफुंनो हायोब्ला गेलेगिरिफोरा गिदिर टुर्नामेन्टआव थांनयनि खाबु मोनो। बेनि सायाव नर्थ-इस्ट इनाइटेड एफसिनि लाइमोन जौगाथाय बिफाननि गाहाइ सुहेल नायरआ हान्जानि फोथारआव ओंखारनो सिगांनिफ्रायनो थियारि जानायखौ फोरमायदो।

इगा स्विचातेकनि जेन्नायाव सबालेन्काआ मुलाम्फा मोन्दो



वार्श, 6 नभेम्बर: पलेन्डनि स्टा रटेनिस गेलेगिरि लइगा स्विचातेकआ कक गफनि हेंथायै डब्लिउटिए फाइनालाव जेन्नायाव। स्विचातेकनि बे जेन्नायाव एरिना सबालेन्काआ मुलाम्फा मोन्दो। जेराव बिथाड बे मुलाम्फाजो नो गावनि के रियारआव गिबि खेब आइजोफोरनि रेंकिंआव बोसोरनि जोबनायसिम नम्बर 1 मासिआव जिरायगोन। कक गफना स्विचातेकखौ 6-3, 6-3 स्करआव फेजेन्दो। जाउनाव बेलासुसनि 26 बोसोर बैसोनि सबालेन्काआ सोलिफु बोसोरनि

केटरिनाआ बेनि सिगां 2018, 2021 आरो 2022 नि जोबनायावबो आइजोफोरनि जावजा रेंकिंआव नम्बर 1 मासिआव थानो हादो। सबालेन्काआ जेब्लाबो सेरेना उइलियाम्स आरो बावैसो स्विचातेकनि हेंथायै गावनि दबथायनो हानायखौ जेब्लाबो गावनि सिगां सुजुबोनायमोन होनानै फोरमायदो। बेलासुसनि स्टा सबालेन्काआ सोलिफु समाव लोगोसे गावखौ साबसिनै सुद्रायनो नाजानाय थांखियाव दड होनानै फोरमायदो। बिथाड सोलिफु बोसोरगव ग्रेन्डस्लेमआव गोहोम गोनाडै दिन्थिफुंनानै मोनबो सेट खोमानाडालासे अस्ट्रेलियान अपेनआव देरहानायजो जागायनयनि उनव बोसोरनि जोबथा ग्रेन्डस्लेम इएस अपेनआवबो देरहादो। लोगोसे खेबनै डब्लिउटिए 1000 नि बिमुंबो देरहादो। बेफोरनि अनगायैबो थांनय आगस्ट दानआव बिथाडा सिनसिनाटि अपेन आरो अक्बरआव बुहान अपेनआव सेम्पियन जानानै गावनि गोखो फर्मखौ फोरमानआव लाबोदो।

चेन्नाइ चस ग्रेन्ड मास्टर्सआव अर्जुन एरिगेसिआ बिदित गुजरातिखौ फेजेन्दो



गोदान दिल्ली, 6 नभेम्बर: मुलुगनि ब्रैथि मासिआव थानाय अर्जुन एरिगेसिआ चेन्नाइयाव खुंजानाय चेन्नाइ चस ग्रेन्ड मास्टर्स 2024 नि गिबि राउन्डआव 5 चन्टासिम सोलिनय इन्ड टु इन्ड एक्सननि सेलेन्जआव हादरनिनो बादायारि बिदित गुरातिखौ फेजेनानै मोजाडै जागायजेनो। गुबुन भारतीय गेलेगिरिफोरनि गेजेराव अरबिन्ड सिताम्बरमआ इ गेलेदो। जेराव फ्रान्सनि मेक्सिम वासियर-लागरेभआबो इयननि फारहान मकसुडल 'खौ फेजेनानै आवगायदो। जारिमिनारि 2800 इएलए रेटिसिम सौहेनानयनि उनव नख 'रारि टुर्नामेन्टआव बाहागो लानाय एरिगेसिआ थांनय बोसोरनि देरहागिरि डि गुकेशनि जायगायाव गावनि आगानखौ लाखिनो नाजागोन। जेराव बिथाड बे इभेन्टआव देरहानानै बिथाड मुकेशनि मासिआव जिरायनो नाजागोन। जोबथायाव चीननि डिं लिरेनखौ वर्ल्ड चस सेम्पियनसिपनि फाइनाल मेचआव फेरफाथिनो खाबु आर्जिगेनो। चेन्नाइ चस ग्रेन्ड मास्टर्स 2024 आव मोननै केटेगिरि फारियै मास्टर्स आरो सेलेन्जसखौ सोसन्दो। 2729 रेटि एभारेस्टजो बे मास्टर्सआ फिन खेबसेबाव गेलेगिरिफोरनि गेजेराव बादायलायनो खाबु लाबोदो। बेनि गेजेरजो भारतयारि चस गेलेगिरिफोरा गावसोरनि दिन्थिफुंनयखौ साबसिनै दैदेनलानो खाबु मोन्दो। गुफुर थुखाजो गेलेनाय गुजरातिआ किंस पवन अपेनिजो जागायदो। जेराव एरिगेसिआ सिंसिलियन डिफेन्सजो बिथांनि सेलेन्जखौ हेंथा होदो मोन। अब्लाबो बिसोर सानैआ गोब्राब सेलेन्ज होज्जायनायाव मेचआ 5 चन्टासिमहालागै सोलिदो। बारग' वर्ल्ड सेम्पियन अरबिन्ड सिताम्बरमआ सोलिफु समाव मुलुगनि 29 थि मासिआव दड। बे खेबआव बिथाड गिबि मासिआव जायगा मोन्याय टबाटाबेजो सेलेन्जआव ओंखारगोन।

भारतनि पेरा एथलीट सुभर्न राजआ इनाइटेड नेसन्स एसडिजि एक्सन बान्था देरहादो




गोदान दिल्ली, 6 नभेम्बर: पेरा एथलीट आरो बे'गुरा मोन्थायनि एडभकेट सुभर्न राजआ 2024 नि इनाइटेड नेसन एसडिजि एक्सन बान्थानि थाखाय सायख 'जाबाय। जेराव बे बान्थाया भारतनि हारिमामयारि थाखोआव बिहोमा होनायफोरखौ फोरमायो। दर 190 हादरफोरनिफ्राय फ्राय 5500 निबो बांसिन आर'ज गाबगिरिफोरनि गेजेरनिफ्राय सायख 'जानाय सुबर्नखौ गासै भारतआव बे'गुरा सुबुंफोर (पिडब्लिउडि)नि थाखाय हारिमामयारि थाखोआव सौहेनो हानाय आरो समाजयारि सोफादेरनायाव जर'खायै बांहोनाय बिहोमानि सायाव हाबा मावनायनि थाखाय सासे सेन्समेकार फाइनालिस्ट महेरि गनायथि होनाय जादो। रमनि टिएइस रमा कार्पेगना पेलेसआव खुंजानाय फोबोआव सुभर्नआ मुलुगनां थाखोआव गावनि गोहोमखौ लाखिनानै बे मान गोनां बान्थाखौ देरहानाय भारतनि गिबिसिन बे'गुरा आइजो जानो हाबाय। बिथाडा गावनि हाबानि फारिआव रोगाथाय, देहानि जोथोन आरो इनफ्रिस्टाक्सरआव

पिडब्लिउडिफोरनि मोगा-मोगि जानानायफोरनि सायाव नोजोर लाखिहोनो हादो। बेनि

थाखाय बिथाडा सरकारि आरो सेक्टरफोरनि थासारिखो मोजांसिन खालामनो थाखाय एक्सिसिबल इन्डिया केम्पेननि सिडाव गासै 500 निबो बांसिन बेफोर थावनिसिम सौहेनो हानाय अडिट खालामदो मोन। बिथाडा भारतनि बिसायख 'थि आयजजो थिसनजानाय मोननो हाथाव बिसायख 'थि 2024 नि ब्रेन्ड एम्बाचाडर महेरि हाबा मावनाय खांथिखौबो गोहोम खेखेदो।

भारतआ 2036 नि अलिम्पिक आरो पेरालिम्पिकखौ बान्जायनो मावख 'यारि महेरि बाहागो लादो

गोदान दिल्ली, 6 नभेम्बर: भारतआ मावख 'यारि महेरि 2036 नि अलिम्पिक आरो पेरालिम्पिकखौ बान्जायनो थाखाय खुंफुंनो बादायलायनायाव आगान होबाय। बेनि थाखाय भारतआ गेजेर हायुडारि अलिम्पिक आफाद (आइएस) निसिम मोनसे नेमखांथियारि लेटर अफ इन्टेन्ट गथायदो। भारतयारि अलिम्पिक गौथुम (आइए) आ लाइमोन फोजोखां आरो गेलेमु मन्थि बिफाननि हेफाजाबआव मुलुगनि मुदांखासिन आरो देरसिन बे गेलेमु इभेन्टखौ भारतनि हायाव लाबोनो हागोननि हाबिलाखौ फोरमायदो। बेबादि भारतनि आगान होनाया हादरआव गेलेमुखो जौगाहोनायनि थाखाय जाफुंसारनाय आरो रादाइ होनायनि मोनसे दोहो लाबोगोन। थांनय दानआवनो गाहाइ मन्थि नरेन्द्र मदिआ



निउयर्कआव गावनि बिबुंथिनि समाव बे मेगा इभेन्टखौ भारतआव बान्जायनो सरकारि नोजोर आरो थियंथाखौ उदाडै फोरमायदो। जेराव बिथाडा 2026 नि थाखाय सरकारिनि बिडआव बाहागो लानो थिरांथा लानायखौ रोखा खालामदो। बेनि सिगां गाहाइ मन्थि मदिआ दिल्लीआव पेरा एथलीटफोरजो बो रायन्ज्यायदो। जेराव भारतनि

गेलेमु हारिमु आरो मुलुगनाडारि थाखोआव गेलेमुनि थाथायखौ गोखो खालामनो थाखाय सरकारिनि एथलीट मिरुवारि नोजोरथि आरो रादाइनि सायाव गोसो होनायखौ फोरमायो। भारतनि हान्जाआ थांनय माखासे बोसोरफोराव गेलेमुनि फोथारआव गोबां जाफुंसारदो। पेरिस अलिम्पिकआव भारतआ गंवा

बन्ज आरो गंसे रुफाजो गासै गं 6 मेडेल देरहादो। जेराव बेनि सिगां 2023 नि हंजो एसियान गेम्स आरो पेरा एसियान गेम्सआव गिबियै रेकर्ड महेरि गं 100 नि बांसिन मेडेलनि हासखौ बारनानै फारियै गं 107 आरो 111 मेडेलफोर देरहादो। बेनि सिगां 2022 आवबो भारतआ बर्मिघम कमनवेल्थ गेम्सआव गं 61 मेडेल देरहानो हादोमोन।

आसामनि हकी हान्जाया हकी बेंगलनि हेंथायै जेन्नादो

गुवाहाटी, 6 नभेम्बर: हकी बेंगलनि हान्जाआ चेन्नाइआव खुंजानाय 14 थि हकी इन्डिया सिनियर मेन नेसनेल सेम्पियनसिपआव पुल-एइसनि बादायलायनायाव आसामनि हकी हान्जाखौ 10-0 गलआव फेजेन्दो। बे मेचआव बेंगलनि हान्जाआ जागायजेनायनफ्रायनो आसामनि गेलेगिरिफोरखौ दबथायदो। जेराव आसामनि गेलेगिरिफोरा बेंगलनि डिफेन्सखौ सिफायनायाव आबुडैनो फेलें जादो। बे समाव देरहानाय हान्जानि जानानै रसन कु मारआ 10, 12, 30 मिनिटआव गावनि हेट्रिकखौ आबु खालामदो। जेराव बिथांनि अनगायै केपेन गजेन्द्र अरमआबो 4 आरो 58 मिनिटआव गरनै



गल सोदो। बिथांमोननि आवगायदो। बे समाव अनगायै अभय इक्काआ 19, अल्सेन लाखाआ 20, मिलन साहाआ 31, सुनिल ज'ज'आ 41 आरो नितिश निउपानेआ 48 मिनिटआव फारियै गरफायै गल सोयो। टुर्नामेन्टनि गुबुन बादायलायनाय मेचफोराव दिल्ली, कर्नाटक आरो अन्ध प्रदेशनि हकी हान्जाआबो देरहानायजो आगानसे हादो।